


百五十五

百五十五

150-152



正統六年六月癸卯後
事姚愛儀定位法
不引 亥初詳載

成化四年五月禮部主事
何淵之奏上于上陳文
不應在清儀以無禮
不引 亥初

嘉靖初禮部文設成化五年
曰月其外額奏儀清儀上
以設不引 亥初

續文獻通考卷之一百五十

皇明進士雲間王圻纂輯

謚法考 皇明臣謚上

皇明

魏國公贈中山王徐達直隸鳳陽人洪武年謚武寧

鄂國公贈開平王常遇春直隸懷遠人洪武年謚忠武

弘治中追謚其曾祖常四三為莊簡 祖重五為安穆
父六六為靖懿此歷朝以來所未有之殊典

信國公贈東甌王湯和直隸鳳陽人洪武年謚襄武

曹國公贈岐陽王李文忠直隸盱眙人洪武年武靖

衛國公贈寧河王鄧愈直隸虹縣人洪武年謚武順
西平侯贈黔寧王沐英直隸定遠人洪武年謚昭靖

江南分省叅政贈越國公胡大海字王甫直隸虹縣人洪
武初謚武壯

中書平章事贈虢國公俞通海字碧泉直隸巢縣人洪武
中謚忠烈

樞密贈蔡國公張德勝直隸合肥人洪武中謚忠毅

江陰侯贈江國公吳良直隸定遠人洪武年謚襄烈 靖

海侯贈海國公吳楨直隸定遠人良弟洪武年謚襄毅

鞏昌侯贈陝國公郭子興直隸臨淮人洪武年謚宣武

宣德侯贈沂國公金朝興直隸巢縣人洪武年以征雲南

功謚武毅

營陽侯贈芮國公楊璟直隸合肥人洪武年謚武信

樞密贈梁國公趙德勝直隸鳳陽人洪武年謚武桓

元帥贈泗國公耿再成直隸五河人洪武年謚武莊

廣德侯贈巢國公華高直隸含山人洪武年謚武莊

樞密贈楚國公改贈鄖國公廖永安字彥敬直隸巢縣人

洪武中謚武愍

都督同知贈蘄國公康茂才湖廣蘄州人洪武年以開國
功謚武襄 蘄春侯贈蘄國公康鐸茂才子洪武年以
征雲南卒謚忠愍

宣寧侯贈安國公曹良臣安豐人洪武年以開國功謚忠
壯

駙馬都尉曹國公贈隴西王李貞直隸盱眙人洪武年謚
恭獻

臨江侯贈杞國公陳德直隸臨淮人洪武年以開國功謚
定襄

行中書省叅知政事贈安遠侯蔡遷洪武中謚武襄

航海侯贈恩國公張赫直隸臨淮人洪武年以海運功謚
莊簡

安慶侯贈皖國公仇成直隸含山人洪武年以征南功謚
莊襄

雄武侯贈汝國公周武直隸開州人後遷江陰洪武中謚
勇襄

濟寧侯贈滕國公顧時直隸臨淮人洪武年以開國功謚
襄靖

六安侯贈許國公王志直隸臨淮人洪武年以開國功謚襄簡

安陸侯贈黔國公吳復直隸合肥人洪武年以征西功謚威毅

永城侯贈永國公薛顯直隸蕭縣人洪武年以開國功謚桓襄

翰林侍制贈學士王禕字子充浙江義烏人洪武年謚文節正統年改忠文

禕使雲南伏節死後子紳以事聞始得贈典開國以來

文臣有謚自禕始

武賁衛指揮使贈滎陽伯潘毅直隸臨淮人洪武中謚武肅

都督僉事贈霍山侯王簡直隸壽州人洪武中謚忠毅副使孫興洪武中謚忠義

都督僉事贈富春侯孫世直隸巢縣人洪武年謚忠勇都督僉事贈金山侯加贈樂浪公漢英直隸合肥人洪武年以征納哈出被執自剖腹死謚忠襄

張前萬戶贈安定郡伯程國勝直隸休寧人洪武年謚忠

愍

廣西都指揮使贈臨沂侯王真壽春人洪武中謚桓義
都督僉事贈東海侯陳文直隸合肥人洪武年謚孝勇
都督僉事贈汝陰侯高顯直隸巢縣人洪武中謚武肅
都督僉事贈廬江侯何德河南光州人洪武年謚壯毅
都督僉事贈英山侯於顛湖廣黃梅人洪武中謚襄武
燕府左傅贈昌樂侯丘廣直隸定遠人洪武中謚景成
臨江侯趙馘洪武中謚壯毅

孝貞皇后父都督同知贈阜國公王鎮應天上元人洪武

年謚康穆

都督僉事贈合浦侯陳清直隸巢縣人洪武年謚崇武

大學士贈少師胡廣江西廬陵人永樂年謚文穆

武城侯贈漳國公王聰湖廣蘄水人永樂年以戰死謚武
毅

鎮遠侯贈夏國公顧成湖廣湘潭人僑居江都永樂年以
靖難功謚武毅

初成往來江淮間好自文其身以誇異人 國初歸附
充帳前親兵常縈蓋侍 左右初授百戶累陞右都督

建文初令從盛庸至真定托靖難兵戰敗降 成祖命
庸守山東成侍 仁宗居守北平永樂初以功封侯庸
削爵暴卒

成國公贈東平王朱能直隸懷遠人永樂年謚武烈
武定侯贈營國公郭英直隸濠州人永樂年初以平雲南功
謚武襄

都督同知贈平陰伯朱崇永樂年謚武襄

廣寧伯贈廣寧侯劉榮直隸宿遷人永樂年謚忠武

左都督贈威遠伯方政直隸全椒人永樂中從靖難正統

初征麓川陣歿宣德年謚忠毅

永康侯贈蔡國公徐忠直隸合肥人永樂年以靖難功謚

忠烈

燕府長史贈刑部尚書朱復永樂年謚忠定

都督贈萊陽侯周長湖廣瀏陽人永樂年謚忠毅

成陽侯贈潞國公張武湖廣瀏陽人永樂初以靖難功第

三謚忠毅

都督贈安陽伯曹隆永樂年謚忠毅

保定侯贈滕國公孟善山東海豐人永樂年以靖難功謚

忠勇

大寧行軍都督贈成武伯陳亨直隸和州人永樂初從靖
難兵為平安所殺贈涇國公謚忠勇

泰寧侯贈靖國公陳珪直隸泰州人永樂年以靖難功謚
忠襄

燕山護衛百戶贈金鄉侯加封寧國公王真陝西咸寧人
永樂初以靖難功謚忠壯

安平侯贈莒國公李遠直隸懷遠人初以靖難功封伯後
出塞戰歿永樂年謚忠壯

西寧侯贈鄆國公宋晟直隸定遠人永樂年謚忠順
都督僉事贈保昌伯程寬永樂年謚忠威

右都督贈武陽侯再贈定國公徐增壽直隸鳳陽人達子
永樂初謚忠愍

增壽武寧王第三子靖難兵起 建文君疑增壽繫禁
中及兵入金川門 建文君猝至左順門殺之故贈謚
加厚

榮國公姚廣孝直隸長洲人永樂年謚恭靖

富陽侯贈景國公李讓直隸舒城人永樂年謚恭敏

初讓為燕邸儀賓父申留守指揮靖難兵起讓佐

仁宗居守防禦有功建文欲省申以致讓讓不顧戰益

力遂殺申沒其家永樂初進駙馬都尉封侯掌北京刑

部事卒封公賜謚

豐城侯贈茂國公李彬直隸定遠人永樂年以靖難功謚

剛毅

都督僉事贈新泰伯張欽永樂年謚剛勇

右都督贈景城伯馬榮直隸順天人永樂年謚莊武

都指揮使贈崇安侯譚淵直隸清河人永樂年以靖難功

謚壯節

贈廬江侯何海謚壯毅

應城伯贈翼城侯孫巖直隸鳳陽人永樂年以靖難功謚

威武

鎮撫贈右都督王忠永樂中謚恭靖

即保聖賢順夫人馮氏夫

駙馬都尉梅殷河南夏邑人汝南侯思祖子永樂年謚崇

定

禮部侍郎贈

太子少師儀智山東高密人洪熙年謚文

簡

刑部侍郎贈少傅馬京陝西武功人洪熙年謚文簡

右贊善贈太子少保徐善述浙江天台人洪熙年謚文

肅

贊善贈太子賓客王汝玉直隸長洲人洪熙年謚文靖

禮部尚書贈太子少師鄭賜福建甌寧人洪熙年謚文

安

少詹事贈太子少保鄒濟浙江餘杭人洪熙年謚文敏

都指揮同知贈河間王張玉河南祥符人永樂中封榮國

公謚忠顯洪熙初加封河間王改謚忠武

武進伯贈武進侯朱榮山東沂州人洪熙年以征胡功謚

忠靖

成安侯贈興國公郭亮直隸合肥人洪熙年以靖難功謚

忠壯

兵部尚書贈少師金忠浙江鄞人洪熙中謚忠襄

震楊士奇擬忠及賀銀謚上白銀之勞可贈官

謚如加惡謚又過不若無謚人不得議焉

少傅劉雋湖廣江陵人以征安南戰

太醫院判贈院使蔣用文應天句容人洪熙年謚恭靖

昭皇后父鼓城伯贈彭城侯張麟河南永城人洪熙年謚

恭靖

衛聖夫人楊氏夫保昌伯蔣廷圭洪熙元年謚莊靖

工部侍郎贈工部尚書陳壽湖廣隨州人洪熙年謚敏肅

戶部侍郎贈太子太保王鍾直隸華亭人洪熙年謚僖

敏

兵部侍郎贈少保墨麟陝西高安人洪熙年謚恭毅

刑部尚書朱濬直隸壽州人洪熙年謚榮愿

戶部尚書贈湯陰伯郭資河南武安人宣德年謚忠襄

兵部尚書贈少保陳洽直隸武進人宣德初以死交趾謚

節愍

大學士贈少保金幼孜江西新淦人宣德年謚文靖

都督贈營山伯高成直隸順天人宣德年謚武毅

日南州知州贈南寧府同知何忠湖廣江陵人宣德年以

交趾死節謚忠節

初給事姚夔請同王禕例追謚禮部尚書胡濙等議阻

後復謚之

平鄉伯贈平鄉侯陳懷直隸合肥人以從靖難又征胡有功封宣德年謚忠毅

武安侯贈漳國公鄭亨直隸合肥人宣德年謚忠毅

戶部尚書贈太師夏原吉字惟喆湖廣湘陰人宣德年謚

忠靖

廣平侯贈汴國公袁容直隸壽州人宣德年謚忠穆

初容為燕府儀賓永樂初進駙馬都尉以靖難功封

侯洪熙年停侯宣德中復爵仍與贈謚

弇州集作沂國公

恭順伯贈邠國公吳允誠以胡人來附永樂中護駕征

虜有功宣德年謚忠壯

安順侯贈濱國公薛貴舊名脫火赤順天昌平人初從靖

難再從征胡有功宣德年謚忠勇

弇州集作忠壯

右都督贈清源伯冀傑直隸東安人宣德年謚忠壯

永順伯薛斌順天昌平人靖難北征俱有功宣德年謚忠

壯

都督僉事贈榆次伯張廉直隸順天人宣德年謚忠敏

兵部侍郎贈尚書盧淵江西新建人宣德年謚恭順

平江伯贈平江侯陳瑄直隸合肥人宣德年謚恭襄
會寧伯李英西陲人宣德年謚襄毅

都督臨漳伯郭義直隸泰安人宣德年謚襄敏

少詹事學士贈禮部侍郎曾棨字子啓江西永豐人宣德
年謚襄敏

安遠侯贈融國公柳昇直隸懷遠人宣德年征交南敗死
謚襄愍

都督僉事贈西和伯吳守義舊名把敦杭海山降附人永
樂中以北征有功宣德年謚僖順

清平侯贈梁國公吳成遼陽人宣德年以征胡有功謚壯
勇

都督梁來宣德年謚壯勇

左都督贈邵陽伯馬聚山東武定人宣德年以從北征陣

亡謚壯勇

陽武侯贈郵國公薛祿山東膠州人宣德年謚忠武

大學士贈太師楊士奇江西泰和人正統年謚文貞

大學士黃淮浙江永嘉人正統年謚文簡

大學士贈太師楊溥湖廣石首人正統年謚文定

大學士贈太師楊榮福建建安人正統年謚文敏

史部尚書贈太師蹇義四川巴縣人正統年謚忠定

定西侯贈汪國公蔣貴直隸江都人正統年以征番功謚

武勇

左都督贈懷遠伯山雲直隸徐州人正統年謚忠毅

西平侯沐春直隸定遠人英長子宣德年謚惠襄 黔國

公贈定遠王沐晟英次子正統年謚忠毅 左都督贈

定遠伯沐昂晟弟正統年謚武襄

左都督贈邢臺伯馬斌正統年謚襄武

永寧伯贈永寧侯譚廣直隸丹徒人正統年以靖難功謚

襄毅

禮部侍郎直閣贈尚書馬愉山東臨朐人正統年謚襄敏

刑部侍郎贈戶部尚書楊泰直隸山陽人正統年謚襄敏

太醫院判贈院使袁寶正統年謚襄敏

隆平侯贈元國公張信直隸臨淮人正統年以靖難功謚

恭僖

修武伯沈清直隸滁州人正統年謚襄榮

清無軍功徒以阿附王振假營造功生叨伯爵歿冒謚

典

左都督贈臨武伯蕭綬正統年謚靖襄

右都督贈綿谷伯高文正統年謚壯靖

招遠流伯馬亮河南淇縣人初從靖難又以征虜功封正

統年謚榮毅

工部尚書贈荏平伯吳中山東武城人正統年謚榮襄

永樂中以衛經歷迎 駕得幸後又諂事中貴黷貨貪

色假營建功虛冒爵秩謚之日榮已亦過矣

都督贈泌陽伯韓僖正統中謚榮襄

都督贈宣良伯冉保正統年謚榮壯

右都督贈睢寧伯陳改正統年謚榮靖

新建伯贈新建侯李王直隸交河人初以大寧歸附後又

以靖難功封正統年謚榮僖

南禮部尚書王英江西金谿人景泰年謚文安天順年改

文忠

吏部侍郎直閣贈少傅曹鼐字萬鍾直隸寧晉人景泰年

謚文襄天順初改文忠

工部尚書周忱字恂如江西吉水人景泰年謚文襄

兵部尚書贈少保苗衷直隸定遠人景泰年謚文康
禮部侍郎贈太子太保禮部尚書王一寧浙江仙居人
景泰年謚文通

翰林侍講贈翰林學士劉球字求樂江西安福人景泰初
謚忠愍

昌平侯贈潁國公楊洪陝西漢中人景泰中以征胡功謚
武襄洪姪信又稱六合人

英國公贈定興王張輔字文弼河南祥符人王子景泰年
謚忠烈

都督僉事贈蒙陰伯李景泰年謚襄毅

左都督贈懷遠伯武興景泰以征蠻功謚忠毅

恭順侯贈邠國公吳克忠陝西涼州人允誠子景泰年以
征兀良哈有功且歿于土木謚壯勇 都督贈遵化伯

吳克勤克忠弟同死土木景泰年謚僖叔

兵部尚書贈太師儀銘山東高密人景泰初謚忠襄

南兵部尚書徐錡陝西寧夏人景泰年謚貞襄

永豐知縣贈光祿少卿鄧顥景泰年謚恭毅

工部侍郎贈尚書王承和直隸崑山人景泰年謚襄敏

兵部尚書贈少保苗象直隸定遠人景泰年謚文康

禮部侍郎贈太子太保禮部尚書王一寧浙江仙居人

景泰年謚文通

翰林侍講贈翰林學士劉球字求樂江西安福人景泰初

謚忠愍

昌平侯贈潁國公楊洪陝西漢中人景泰中以征胡功謚

武襄洪姪信又稱六合人

英國公贈定興王張輔字文弼河南祥符人王子景泰年

謚忠烈

都督僉事贈蒙陰伯李英景泰年謚襄毅

左都督贈懷遠伯武興景泰年以征蠻功謚忠毅

恭順侯贈邠國公吳克忠陝西涼州人允誠子景泰年以

征兀良哈有功且歿于土木謚壯勇 都督贈遵化伯

吳克勤克忠弟同死土木景泰年謚僖敏

兵部尚書贈太師儀銘山東高密人景泰初謚忠襄

南兵部尚書徐錡陝西寧夏人景泰年謚貞襄

永豐知縣贈光祿少卿鄒顥景泰年謚恭毅

工部侍郎贈尚書王永和直隸崑山人景泰年謚襄敏

副都御史贈右都御史鄧際江西南城人景泰年謚襄敏
刑部侍郎贈尚書丁鉉江西豐城人景泰年謚襄愍

章皇后父會昌伯贈會昌侯孫忠山東鄒平人景泰年謚
康靖後天順年贈安國公改謚恭憲

左都御史贈少保陳鑑字有鑑直隸吳縣人景泰年謚僖
敏

右都督贈溧陽伯紀應廣天句容人景泰年謚僖順
都督贈任丘伯梁成景泰年謚壯勇

戶部尚書贈沐陽伯金濂直隸山陽人景泰年謚榮襄

黔國公沐斌直隸定遠人昂子景泰年謚榮康

少傅吏部尚書贈太保王直字行儉江西泰和人天順年
謚文端

忠勇伯贈忠勇侯蔣信以胡人來降征北有功土木之敗
降也先後從天順歸謚僖順

侍讀學士贈禮部侍郎劉儼字宣化江西吉水人天順年
謚文介

禮部侍郎錢習禮江西吉水人天順年謚文肅
學士直閣贈禮部侍郎呂原浙江秀水人天順年謚文懿

侍講學士直閣贈太院學士張益直隸吳縣人天順年謚
文僖

寧陽侯贈濬國公陳懋直隸壽州人亨子天順初謚武靖
永順伯贈永順侯薛綬直隸昌平人斌子正統末支干上
木天順年謚武毅

前太傅安遠侯柳溥直隸懷遠人天順年謚武肅
興安伯徐亨湖廣大治人天順年以征胡功謚武襄父
徐祥以靖難功封興安伯

恭順侯贈涼國公吳瑾陝西涼州人克忠子天順時曹欽

反反劫瑾不從死謚忠壯

兵部尚書靖遠伯王驥直隸東鹿人天順年謚忠毅

成國公贈平陰王朱勇直隸懷遠人天順年謚武愍

元帥贈燕山侯孫興祖直隸臨淮人謚武愍

禮部尚書贈太保胡濙直隸武進人天順年謚忠安

南和侯方英直隸全椒人政子天順年以征蠻功謚忠襄

南寧伯贈南寧侯毛勝順天人天順初以征蠻功謚忠壯

左都御史封興濟伯楊善順天大興人天順年以奪門功

封謚忠敏

贈阜城伯王貴天順中謚武僖

駙馬西寧侯贈鄆國公宋瑛直隸定遠人天順年謚忠順

武進伯贈武進侯朱冕山東沂州人天順年以大同戰歿

謚忠懿 命州集作忠懿

文安伯贈文安侯張輓輔弟忠武王第三子天順年以奪

門功謚忠僖 太平侯贈裕國公張輓輓弟天順年以

奪門功謚勇襄

戶部尚書年富字大有直隸懷遠人天順年謚恭定

泰寧侯贈寧國公陳瀛天順年謚恭愍

南寧伯贈南寧侯毛福壽河南祥符人天順年謚壯毅

豐潤伯贈豐潤侯曹義直隸儀真人天順年以禦虜功謚

莊武

左都御史贈少保寇深直隸唐縣人天順年謚莊愍

東寧伯贈東寧侯焦禮山後人天順年以禦胡功謚襄毅

南禮部侍郎贈尚書許彬山東寧陽人天順年謚襄敏

修武伯贈修武侯沈崇直隸涿州人正統年歿于土木削

爵天順年謚僖敏

懷柔伯贈懷柔侯趙聚北通州人天順初以北狩時帥兵

西接封謚威靖

遂安伯贈遂安侯陳垣四川巴縣人天順年謚崇懷

駙馬都尉贈鉅鹿侯井源人天順年謚崇愍

贈襄城侯李珍天順年謚悼僖

少詹事贈禮部侍郎劉鉉直隸長洲人成化年謚文恭

吏部侍郎葉盛字與中直隸崑山人成化年謚文莊

禮部侍郎直閣贈禮部尚書劉定之字主靜江西永新人

成化年謚文安

大學士贈太傅高輅浙江淳安人成化年謚文毅

大學士贈太師彭時江西安福人成化年謚文憲

大學士贈太保高穀直隸興化人成化年謚文義

吏部尚書贈少保姚夔浙江桐廬人成化年謚文敏

南吏部尚書魏驥浙江蕭山人成化年謚文靖

大學士贈大師李賢河南鄧州人成化年謚文達

定襄伯贈定襄侯郭登直隸臨淮人成化年謚忠武

國子祭酒李時勉江西安福人景泰年謚文毅成化年以

孫顯奏改謚忠文

豐城侯贈豐國公李賢直隸定遠人景泰初以鎮守南京

功功封成化中諡憲 時賢子勇陳乞故有是命

平江伯贈黔國公陳豫直隸合肥人成化中以子銳請追

諡莊敏

戶部尚書贈少保馬昂直隸滄洲人成化年諡恭襄

保定侯贈蠡國公梁瑤河南汝陽人成化初以平蠻功諡

襄靖

南禮部尚書贈 太子少保倪謙應天上元人成化年諡

文僖

南兵部尚書蕭維禎江西廬陵人成化年諡文昭

彰武伯贈彰武侯楊信直隸六合人洪之姪成化年以征

胡功諡武毅

都督贈大伯同伯陶瑾成化年諡武毅

伏羌伯贈伏羌侯毛忠陝西涼州人成化初征番陣歿諡

武勇

撫寧伯贈撫寧侯朱謙河南夏邑人景泰中以征胡功封

成化年以子永乞諡諡武襄

靖安伯贈侯和勇降胡阿魯台之孫成化年以征蠻功諡

武敏

續文獻通考

懷寧侯贈涑國公孫鏗山西東勝人成化年以討曹欽功
贈公謚武敏

武平侯贈沔國公陳友直隸全椒人成化年以征南功謚
武信 從其孫綱請也

南戶部尚書贈大保黃福字如錫山東昌邑人成化年謚
忠宣

吏部尚書贈太保王翱直隸鹽山人成化年謚忠肅

廣寧侯贈嶧國公劉安直隸宿遷人成化年謚忠禧

廣東按察司副使贈按察使毛吉字宗吉浙江餘姚人成

化中謚忠襄

南刑部尚書耿九疇字禹範河南盧氏人成化年以子修
撰裕陳乞謚清惠

憲宗時諭禮部臣謚法當時自有公論今後已往者不
許陳請

左都督贈固安伯劉玉河南磁州人成化年謚毅敏

戶部尚書贈少保王佐山東海豐人成化初追論土木隨

駕功謚忠簡

刑部尚書王際江西廬陵人成化年謚恭毅

南禮部尚書侍郎贈尚書章綸字大經浙江樂清人成化年
謚恭毅

武靖侯贈容國公趙輔直隸鳳陽人成化末以征蠻功謚
恭肅

右都御史贈太子太保朱英成化年謚恭簡

左副都御史賈詮直隸邯鄲人成化年謚恭靖

刑部侍郎贈尚書廖莊江西吉水人成化年謚恭敏

兵部尚書贈少傅白圭直隸南宮人成化年謚恭敬

御史大理寺丞鍾同江西廬陵人成化年謚恭愍

南刑部尚書贈太子少保周瑄山西陽曲人成化年謚

莊懿

大學士贈少傅陳文江西廬陵人成化年謚莊靖以避名不用文

時禮部主事陸淵之奏文貪德彰聞縱子為惡乞敕

廷臣會議削其美名更以惡謚御史謝文祥亦以為言

俱不聽

南吏部尚書贈太子少保崔恭字克讓直隸廣宗人成化

化年謚莊敏

戶部尚書贈太子太保楊昂陝西咸寧人成化年謚莊

敏

南兵部尚書兼大理卿贈 太子少保程信字彥實河間

衛籍直隸 人成化年謚襄毅

吏部尚書贈 太子少保李秉字執中山東曹州人成化

年謚襄毅

刑部尚書贈 太子少保董方順天灤縣人成化年謚襄

敏

戶部尚書贈 太子少傅翁世賢福建莆田人成化年謚

襄敏

南戶部尚書贈 太子少保黃鎬福建閩縣人成化年謚

襄敏

工部尚書贈 太子少保謝一夔江西新建人成化年謚

襄敏 正德時以子麟請改謚文莊

南兵部尚書贈 太子少保原傑山西陽城人成化年謚

襄敏

左都御史贈 太子太保李賓直隸順義人成化年謚襄

敏

太常寺卿學士贈 禮部侍郎孫賢河南杞縣人成化年謚

續文獻通考

卷之百五十一

二十二

棄敏

太常寺卿學士贈禮部侍郎王猷浙江仁和人成化年謚
棄敏

太常寺少卿學士贈禮部侍郎林文福建人莆田人成化年
謚棄敏

兵部尚書贈少保鄭瑋字孟質湖廣宜章人成化年追諭
土木隨 駕功謚忠肅

定西侯贈涼國公蔣琬直都隸江都人貴孫成化末以征胡功
謚敏毅

左都御史楊信民浙江新昌人成化年以子瑗請謚恭惠
寧遠伯贈寧遠侯任禮河南臨章人初起靖難再征虜有
功成化初追謚僖武

昌寧伯贈昌寧侯趙勝直隸遷安人以捕虜功封成化年
謚壯敏

寧晉伯贈寧晉侯劉聚直隸清豐人成化年謚威勇

吾學編云謚威武史言聚以勢家冒功獲豐然亦屢經
戰陣尋復奏乞故叔太監劉永誠封謚大學士彭時言
無舊例乃寢考宗十三年召輔臣議諸將去留獨罷

其子福則公論固自在也

章皇后兄會昌侯贈郊國公孫繼宗忠季子山東鄒平人

成化年謚榮襄 時奪門功俱革獨繼宗以戚里特免

順義伯羅秉忠沙河衛人成化年以征蠻功謚榮壯

孝肅太后父慶雲伯贈慶雲侯周能順天昌平人成化年

謚榮靖

刑部侍郎贈刑部尚書段民字時舉直隸武進人成化年

謚恭肅

禮部尚書周洪謨四川長寧人弘治年謚文安

禮部尚書贈太子太保吳寬字原博直隸長洲人弘治

年謚文定

吏部尚書贈少保倪岳諫子應天上元人弘治年謚文毅

南禮部尚書贈太子太保王與直隸武進人弘治年謚

文肅

大學士贈太師徐溥直隸宜興人弘治年謚文靖

孝貞皇后父瑞安侯贈阜國公王鎮直隸上元人弘治年

追謚康穆

南副都御史吳訥直隸常熟人弘治年謚文恪

續文獻通考

卷之百五

二十五

吏部尚書贈太保耿裕九疇子河南盧氏人弘治年謚文恪

恪

大學士贈太傅丘濬字仲深廣東瓊山人弘治年謚文莊

大學士贈太師劉吉直隸博野人弘治年謚文穆

禮部尚書贈太子太保傅瀚江西新喻人弘治年謚文穆

穆

大學士贈太師萬安四川眉州人弘治年謚文康

大理寺少卿李奎江西弋陽人弘治年謚文通

南吏部尚書贈太子少保錢溥直隸華亭人弘治年中謚

一文通

南工部尚書贈太子少保董鉞江西寧都人弘治年謚

文僖

南禮部尚書恭淳湖廣華容人弘治年謚文僖

保國公贈宣平王朱永謙之子河南夏邑人弘治年以征

胡功謚武毅 永初謚武襄子暉上言謚與祖謙同故

改

右都督周玉直隸滁州人弘治年謚武僖

黔國公贈太師沐琮直隸定遠人英之後弘治年謚武僖

刑部尚書贈少保林聰福建寧德人弘治年謚莊敏

大學士贈太保王文直隸東鹿人弘治年謚毅愍 以避

名不用文時有子少司馬宗彝乞 恩故追謚之

少保兵部尚書贈太傅于謙字廷益浙江錢塘人弘治年

謚肅愍萬曆十八年以撫臣傅孟春奏改謚忠愍

戶部尚書贈 太子少保李敏河南襄城人弘治年謚恭

靖

南兵部尚書贈 太子太保張悅字時敏直隸華亭人弘

治年謚莊簡

工部尚書贈 太子太保王復順天固安人弘治年謚莊

簡

成國公贈太師朱儀直隸懷遠人弘治年謚莊簡

敬皇后父壽寧侯贈大保昌國公張巒直隸興濟人弘治

初謚莊肅

南兵部尚書贈 太子太保張瑩直隸華亭人弘治年謚

莊懿

襄城侯贈芮國公李瑾直隸和州人弘治初以平蠻功謚

莊武

刑部尚書湖廣行省叅政吳文雲直隸寧興人 國初招
諭元餘孽梁王不屈死難葬德安之後山弘治年追謚
忠節

大學士贈太保劉珣山東壽光人弘治年謚文和

吏部侍郎贈禮部尚書楊守陳字維新浙江鄞縣人弘治
年謚文懿

禮部尚書直閣贈

少守保彭華江西安福人弘治年

謚文思

兵部尚書贈太保余子俊字士英四川青神人弘治年年謚

肅敏

吏部尚書贈太保尹旻山東歷城人弘治年謚恭簡

兵部尚書威寧伯贈太傅王越直隸濬縣人弘治年謚襄
敏

南禮部尚書陳俊福建莆田人弘治年謚康懿

兵部尚書贈太子太保項忠字蓋臣浙江嘉興人弘治
年謚襄毅

吏部尚書贈太保屠鏞浙江鄞縣人弘治年謚襄惠

鎮遠侯顧溥成之孫南直隸江都人弘治年以平蠻功謚

襄恪

左都御史贈太子少保鄧廷瓚字宗器湖廣巴陵人弘

治年謚襄敏

刑部尚書贈太子太保彭韶字鳳儀福建莆田人弘治

年謚惠安

兵部尚書張鵬直隸涑水人弘治年謚懿簡

禮部尚書贈太子太保鄒幹浙江餘杭人弘治年謚康

靖

工部尚書贈少保徐貫浙江淳安人弘治年謚康懿

憲章初言欲求進工由刑部
司原公為書如終一即朴俊
產廷親正名主朝先意為國
生之世善愧女大漫而名其
吳伯親難恭感等語斯為
述之不知定議之時何故有
之其家大細不問也平生之
行不足以為中亦之清政極
不取

刑部尚書贈太保白昂直隸武進人弘治年謚康敏

刑部尚書陸瑜浙江鄞縣人弘治年謚康僖

宣城伯贈宣城侯衛穎直隸華亭人天順中以奪門功封

弘治中謚壯勇

御史中丞贈太師誠意伯劉基字伯溫浙江青田人正德

年以九世孫愉請追謚文成

翰林學士承旨宋濂字景濂浙江浦江人成化中四川巡

撫黃琛請賜謚至正德中追謚文惠

南戶部尚書王鴻儒河南南陽人正德中謚文莊

南刑部尚書贈

太子少保樊瑩字廷璧浙江常山人正

德年謚清簡

左都御史贈

太子少保戴珊字廷珍江西浮梁人正德

年謚恭簡

左都御史贈

太子少保張敷華字公實江西安福人正

德年謚簡肅

吏部尚書贈太師王恕字宗實陝西山原人正德年謚端

毅

禮部尚書贈太保周經山西陽曲人正德年謚文端

禮部尚書贈

太子太保劉春四川巴縣人正德年謚文

簡

禮部尚書贈

太子太保李遜學河南上蔡人正德年謚

文簡

刑部尚書贈

太子少傅何喬新字廷秀江西廣昌人正

德年謚文肅

初有論喬新議法深刻勸父引決以自全者至是卒都

御史林俊為請謚并援葉晟例言謚當以文或沮之給

事吳世忠論曰蔣之奇嘗誣奏歐陽修後日太師文忠

之贈謚之奇不能奪胡絃輩嘗誣奏朱熹後日太師文
公之贈謚胡絃輩亦不能奪蓋誣善者羣小之私贈謚
者萬世之公也遂典贈謚

肅

禮部侍郎贈尚書謝鐸字鳴治浙江太平人正德年謚文

南禮部尚書贈

太子少保吳儼直隸宜興人正德年謚

文肅

祭酒宋訥直隸涇縣人正德年謚文恪

南兵部尚書贈

太子太保林瀚福建閩縣人正德年謚

文安

禮部尚書贈

太子太保白鉞直隸南宮人圭子正德年

謚文裕

戶部尚書直閣尹直江西泰和人正德年謚文和

南工部尚書劉宣江西安福人正德年謚文懿

吏部尚書贈太師馬文升字負圖河南均州人正德年謚

端肅

江西副使贈廉使周憲湖廣承天人正德年謚節愍

南京糧儲副都御史贈左都御史馬炳然四川內江人正

德年謚毅愍

謚恭和

孝肅太后弟慶雲侯贈宣國公周壽順天昌平人正德年
兵部尚書贈太子少保王竑字公度陝西河州人正德
年謚莊毅

南戶部尚書贈太子少傅秦民悅直隸舒城人正德年
謚莊簡

黔國公贈太師沐崑直隸定遠人英之後正德年卒嘉靖
初謚莊襄

南工部尚書贈太子少傅胡拱辰浙江淳安人正德年

謚莊懿

一作周拱辰係南
兵贈太子少保

刑部尚書贈太保閔珪浙江烏程人正德年謚莊懿
贈廉使馮傑正德年謚恪愍

右都御史韓雍字永熙直隸長洲人正德年謚襄毅

戶部尚書贈少保秦紘山東單縣人正德年謚襄毅

總制尚書贈太子少保才寬直隸遷安人正德年謚襄

愍

督僉事贈洛南伯馮禎直隸舒城人正德年以死流賊

謚襄愍

兼都御史贈工部尚書劉丙江西安福人正

襄

寧伯周彥順天府昌平人正德年謚榮僖

江西豐城人正德年追謚文恪

太學士贈太師李東陽湖廣茶陵人正德末謚文正

太學士贈太傅靳貴直隸丹徒人正德末謚文僖

都督同知贈左都督安國綏德衛人正德末謚武敏

兵部尚書贈太保劉大夏字時雍湖廣華容人正德末謚

忠宣

英國公贈寧陽王張懋河南祥符人正德末謚恭靖

廣東左布政贈光祿卿陳選字士賢浙江臨海人正德末

以言官請謚恭愍

右都御史贈南刑部尚書熊繡字汝明湖廣道州人正德

末謚莊簡 吾學編作清簡

魏國公贈太傅徐備直隸鳳陽人達五世孫正德末謚莊

靖

工部尚書贈太子少保楊守隨浙江鄞縣人守陳弟正德

未謚康簡

南禮部尚書王宗彝直隸束鹿人文子正德末謚安簡

禮部尚書贈太子少保傅珪直隸清苑人嘉靖初謚文

毅

禮部尚書贈少保毛澄字憲清直隸崑山人嘉靖初謚文

簡

大學士贈太保劉忠河南陳留人嘉靖初謚文肅

南禮部尚書贈太子少保邵寶直隸無錫人嘉靖初謚

文莊

戶部尚書贈太傅韓文山西洪洞人嘉靖初謚忠定

吏部尚書贈太子太保許進字季升河南靈寶人嘉靖

初謚襄毅

南戶部尚書贈太子少保胡富直隸績溪人嘉靖初謚

康惠

大學士贈太師劉健字希賢河南洛陽人嘉靖初謚文靖

南禮部尚書贈太子太保楊濂字方震江西豐城人嘉

靖初謚文恪

大學士贈太傅席書四川遂寧人嘉靖初謚文襄

續文獻通考

卷之百五

三十三

大學士贈太師梁儲廣東順德人嘉靖初謚文康 時儲

子鈞請謚部議其立身輔政有于公議 世宗念迎立

之勲且係 先朝舊臣特謚文康

南禮部尚書贈 太子少保章懋浙江蘭谿人嘉靖初謚

文懿

禮部尚書贈 太子太傅張昇江西南城人正德年卒嘉

靖初以建昌知府曹璵請謚文僖

副都御史贈禮部尚書孫燧字成德浙江餘姚人嘉靖初

謚忠烈

副使贈禮部尚書許達字汝登河南靈寶人嘉靖初謚忠

節

工部尚書贈少保李燧河南湯陰人嘉靖初謚恭敏

後給事中劉世揚

成國公贈太傅朱輔直隸懷遠人嘉靖初謚恭僖

刑部尚書洪鍾浙江錢塘人嘉靖初謚襄惠

兵部尚書贈少保王軾湖廣公安人嘉靖初謚襄簡

兵部尚書贈 太子太保李鉞河南祥符人正德年卒嘉

靖初以子懋功請謚恭簡

隆慶元年進後王守仁文成周
方文武兼荷免文定高年莊
簡江俊文莊品相文尚名極文介
揚運和文忠王廷相兩後發材錫系
曾銳葉慈楊守謙諸縣南大陽湯
德孫德清清既外俊貞兩是廷系
毅何不志文尚楊敬忠節前
多進葉政陶諸莊故著祀
文簡何境文定往問莊祀
三年六月
趙炳然字平德著乘
賢著淳文德孔付
四年六月鈞著乘
進賢人

刑部尚書贈太保屠勳浙江平湖人嘉靖初以子應楚請
謚康僖

大學士贈太太子大保袁宗臯湖廣石首人嘉靖初以
興府長史奮勞謚榮襄

孝貞皇后弟瑞安侯贈太師王源應天上元人嘉靖初謚
榮靖

鎮遠侯贈太傅顧士隆直隸江都人嘉靖初以京營轉漕
功榮靖

獻皇后弟玉田伯贈大保蔣翰直隸徐州人嘉靖初謚榮

僖

惠安伯張偉河南永城人昇之曾孫正德中征流賊失律
論死會赦嘉靖初復爵為京營總兵卒贈惠安侯太傅

謚靖襄

睿皇后從孫安昌伯錢承宗直隸海州人嘉靖初謚榮僖

孝惠太后父昌化伯邵善浙江昌化人嘉靖初謚榮和

大學士贈太師張孚敬浙江永嘉人嘉靖中謚文忠 初

孚敬卒禮官請所以易其名者世宗親按其謚法以能

危身奉上特謚曰忠 桂芳文襄

南吏部尚書贈 太子太保吳一鵬直隸長洲人嘉靖中

謚文端

南禮部侍郎贈尚書王瓚浙江永嘉人嘗議大禮嘉靖中

以子健請謚文定

南兵部尚書贈 太子太保張邦奇浙江鄞縣人嘉靖中

謚文定

大學士贈太保毛紀山東掖縣人嘉靖中謚文簡

大學士贈少保張璧湖廣石首人嘉靖中謚文簡

禮部侍郎贈禮部尚書馬汝驥陝西涇德人嘉靖中謚文

簡

嘉靖五年太子太保下邳人韓文平山西洪洞人吏部

侍郎愚曰武子而卒保其方老似武子而不死予子乃贈太保謚忠宣

石陸嘉靖七年卒謚文隱改文介 王子仁文以魯歸文改

定國名德光祿崇德 楊一清文襄 胡世寧端毅 兵和

李承勛原直 兵和 江濶文昭 南和 王瓚若襄 廣德侯 嘉

嘉靖三年 嘉靖 王瓚恭清 南和 費宏 欽山 崔文魁 康簡 南二書

林文俊文修 南和 李時文康 太保 顧清文恪 南和

續文獻通考卷之一百五十終 梁震武莊 南和 兵

嘉靖間見

穆孔暉文簡聖邑李洪莊簡曲沃 孔聖 崇十九年吳材進德瑞帶大城

顧懋匡文原 霍輔文致孔書 南齊崔欽文致孔書 汝陽

呂梅進謚文簡孔書 南齊周倫原稿南齊 崇世年許栢若稿孔書 大

溫仁和文情孔書 華陽何擴文定南齊 崇世年周方文武襄左都督

張汝文隱大學士 崇世年後及文設 馬驥文簡孔書 崇世年秦金流致孔書 崇世年

張朝考文定南齊 崇世年歐陽鐸若稿孔書 崇世年董祀文簡孔書 崇世年唐就素崇世年

刑侍劉澤厚初進德瑞帶崇世年

續文獻通考卷之一百五十一

明進士雲間王圻纂輯

謚法考 明臣謚下

南太常寺卿禮部侍郎穆孔暉山東堂邑人嘉靖中以講

讀勞謚文簡

大學士贈少師許讚河南靈寶人進子嘉靖中以子與請

謚文簡

大學士贈太保賈詠河南臨潁人嘉靖中謚文靖

國子監祭酒魯鐸湖廣景陵人嘉靖中謚文恪

按 國朝四品文臣例無祭葬贈謚 世宗以鐸清節者聞特與之

禮部尚書贈 太子太保溫仁和四川華陽人嘉靖中謚

文恪

吏部尚書 太子太保羅欽順江西泰和人嘉靖中謚文

莊

大學士贈太保費宏江西鉛山人嘉靖中謚文憲

大學士贈太保楊一清字應寧雲南安寧州人嘉靖九年

謚文襄

大學士贈太傅桂萼江西安仁人嘉靖十年謚文襄

大學士贈太保方獻夫廣東南海人嘉靖中謚文康

大學士贈太保顧鼎臣直隸崑山人嘉靖中謚文康

南禮部侍郎贈尚書崔銑河南安陽人嘉靖中謚文敏

戶部尚書贈 太子少保李廷相山東濮州人嘉靖中謚

文敏

禮部尚書贈 太子太保霍韜廣東南海人嘉靖中謚文

敏

詹事府詹事贈禮部侍郎陸深直隸上海人嘉靖中謚文

裕

禮部尚書費家江西鉛山人嘉靖中謚文通

時給事中趙欽言家與總兵卻永教經論列不宜錫謚

奉旨謚法原有美惡今後所司定擬務合公論

南禮部尚書贈太子少保黃珣浙江餘姚人嘉靖中謚

文僖

南禮部尚書顧清直隸華亭人嘉靖中謚文僖

兵部尚書贈少保陶琰山西絳州人嘉靖中謚恭介

南吏部右侍郎贈南禮部尚書林文俊福建莆田人嘉靖

中謚文修

大學士贈少保石瑤字邦彥直隸藁城人嘉靖中謚文隱

隆慶中以卹錄例改謚文介

左都督贈太保梁震陝西榆林衛人嘉靖中以征西功謚

武壯

一作河南新野人

撫寧侯贈太傅朱麟河南夏邑人嘉靖中謚武莊

豐城侯贈太傅李旻直隸和州人嘉靖中謚武襄

安遠侯贈太保柳珣直隸懷遠人嘉靖中謚武襄

山西西路叅將贈右都督張世忠嘉靖中以虜戰陣亡謚

忠愍

兵部尚書贈少保胡世寧字永清浙江仁和人嘉靖九年

謚端敏

吏部尚書贈太子太保周用直隸吳江人嘉靖中謚恭

肅

刑部侍郎贈刑部尚書林鶚字一鶚浙江太平人嘉靖中

補謚恭肅

太常寺卿贈禮部侍郎魏校直隸崑山人嘉靖中謚恭簡

吏部侍郎贈工部尚書歐陽鐸江西泰和人嘉靖中謚恭

簡

南工部尚書贈太子少保洪遠直隸歙縣人嘉靖中謚

恭靖

吏部尚書贈少保王瓊山西太原人嘉靖中謚恭襄

襄城伯贈太子少保李全禮直隸和州人嘉靖中謚恭

敏

掌太醫院事太子太保禮部尚書贈少保許紳太醫院

籍嘉靖中其妻援洪熙蔣用文例請謚恭僖

黔國公贈太保沐朝輔直隸定遠人嘉靖中謚恭僖

左布政使徐樾嘉靖三十年為叛寇邵鑑所殺贈官祭葬
謚

戶部尚書贈太子少保鄒文盛公安人嘉靖中謚莊簡
遼東守備王相嘉靖三十一年北虜寇前屯至寧遠戰死

贈謚

禮部尚書太子太保李浩山西曲沃人嘉靖中謚莊簡

兵部尚書贈少傅劉天和湖廣麻城人嘉靖中謚莊襄

工部尚書贈太子太保趙璜江西安福人嘉靖中謚莊

靖

左都御史贈太子少保吏部尚書宋景江西奉新人嘉

靖中謚莊靖

兵部左侍郎贈兵部尚書陶諧浙江會稽人嘉靖中卒隆

慶初以卹錄例賜謚莊敏

南戶部尚書贈太子太保許誥河南靈寶人進子嘉靖

中謚莊敏

大學士贈太保楊廷和字介夫四川新都人嘉靖中卒隆

慶初以卹錄例謚文忠

兩廣右都御史兼兵部尚書潘鑑直隸婺源人嘉靖中謚

襄毅實錄作襄敏

刑部尚書贈太子少保高友璣浙江樂清人嘉靖中謚

襄簡實錄作恭簡

南戶部尚書贈太子太保周金直隸武進人嘉靖中謚

襄敏

左副都御史贈戶部侍郎唐澤直隸歙縣人嘉靖中以子

請追謚襄敏

吏部尚書贈少保王憲山東東平州人嘉靖中謚康毅

南工部尚書贈太子少保崔文奎山東新泰人嘉靖中

謚康簡

兵部尚書贈少保李承勛字立卿湖廣嘉魚人嘉靖中謚

康惠

刑部尚書贈太子太保楊志學湖廣長沙人嘉靖中謚

康惠

刑部尚書贈太子太保趙鑑山東壽光人嘉靖中謚康

敏

太僕寺卿贈右都御史邵銳浙江仁和人嘉靖中謚康僖

南刑部尚書贈太子少保周倫直隸崑山人嘉靖中謚

康僖

駙馬贈太保蔡震嘉靖中謚康僖

吏部尚書贈少傅廖紀直隸東光人嘉靖中謚僖靖

副都御史贈右都御史周季麟江西寧州人嘉靖中謚僖

敏

刑部尚書贈太子少保聶賢四川長壽人嘉靖中謚僖

襄

孝烈皇后父安平侯贈太保方銳應天江寧人嘉靖中謚

榮靖

會昌侯孫杲山東鄒東人嘉靖中謚榮僖

定國公徐光祚直隸臨淮人嘉靖初謚榮僖

吏部尚書贈少保汪鉉直隸婺源人嘉靖中謚榮和

成國公贈太保朱鳳直隸懷遠人嘉靖中謚榮康

工部尚書贈太子少保章拯浙江蘭谿人懋姪嘉靖中

謚恭惠

禮部尚書贈太子太保孫承恩直隸華亭人嘉靖末謚

文簡

南禮部尚書贈太子少保孫陞浙江餘姚人燧子嘉靖末

謚文恪

禮部尚書贈太子少保歐陽德江西泰和人嘉靖末謚

文莊

吏部尚書贈少保唐龍浙江蘭谿人嘉靖末謚文襄

龍在吏部世宗謂其稱老忘君褫職為民出都門遂

卒後數年子汝楫疏明不欺故有是賜

大學士翟鑾山東諸城人初削職嘉靖末以子生負汝忠

奏賜謚文懿

大學士贈少師袁煒浙江慈谿人嘉靖末謚文榮

平江伯贈太傅陳圭直隸合肥人嘉靖末謚武襄

掌錦衣衛事左都督贈忠誠伯陸炳浙江平湖人嘉靖末

謚武惠

炳以父松從龍起自校尉及駕幸承天時出世宗

于火厄遂得寵終其身然嘉靖中屢起大獄炳保護縉

紳多所全活故無有發其奸者至隆慶中言官論劾亦

止褫其子繹緒官籍其家

工部尚書贈太子太保劉麟江西安仁籍南京廣洋衛

人僑居長興嘉靖末謚清惠

南吏部尚書贈太子少保張潤山西臨汾人嘉靖末謚

恭肅

南兵部尚書贈太子少保屠楷廣西臨桂人嘉靖末謚

恭肅

南兵部尚書贈太子太保韓邦奇陝西朝邑人嘉靖末

以地震卒謚恭簡

工部尚書贈太子太保蔣瑤浙江歸安人嘉靖末謚恭

肅

兵部尚書贈少保江東山東朝城人嘉靖末謚恭襄

吏部尚書贈少保聞淵浙江鄞縣人嘉靖末謚莊簡

左都御史贈太子太保周延江西吉水嘉靖末謚簡肅

左都御史贈少保屠僑浙江鄞縣人鏞姪嘉靖末謚簡肅

兵部尚書贈太子少保王邦瑞河南宜陽人嘉靖末謚

襄毅

戶部尚書贈太子少保馬森福建閩縣人嘉靖中謚恭

敏

右都御史贈太子少保張岳福建惠安人嘉靖末謚襄

惠

兵部侍郎贈工部尚書張珩山西石州人嘉靖末謚襄敏
兵部尚書贈少保王以旂應天江寧人嘉靖末謚襄敏
禮部尚書顧可學直隸無錫人嘉靖末謚榮僖

初可學以恭議病免嚴嵩薦其能煉秋石却老得起歷
位宗伯隆慶改元褫其官削謚

南工部尚書贈太子少保王鈞浙江奉化人嘉靖末謚
恭簡

兵部員外贈太常少卿楊繼盛直隸容城人嘉靖末以劾
嚴嵩死西市隆慶年以卹錄例追謚忠愍

楊忠愍劾嚴嵩跡情詞憤激至今猶有生氣獨跡末有
名問二王一語嵩黨深文羅織致激 聖怒竟死西市
惜哉

吏部尚書贈少保熊浹江西南昌人嘉靖中卒隆慶初謚
恭肅 浹以諫真仙削籍故卒後十三年始復官 贈
謚

南吏部侍郎贈禮部尚書羅玘江西南城人嘉靖年以不
應宸濠聘謚文肅

太學士贈太傅謝遷字子喬浙江餘姚人嘉靖年謚文正

南祭酒贈禮部侍郎陳敬宗字光世浙江慈谿人嘉靖年
以元孫志學陳乞追謚文定

南工部侍郎贈禮部尚書黃孔昭字世顯浙江黃巖人嘉
靖年謚文毅

修撰贈左諭德羅倫字葵正江西永豐人嘉靖年謚文毅
修撰歷知府贈太常寺卿岳正字秀方順天淳縣人嘉靖
年謚文肅

大學士贈太傅王鏊直隸吳縣人嘉靖謚文恪
南兵部尚書贈太子太保劉龍山西襄垣人嘉靖年謚

文安

禮部尚書贈太子太保李傑直隸常熟人嘉靖年謚文
安

大學士贈太傅李時直隸任邱人嘉靖年謚文康

吏部侍郎徐縉直隸吳縣人嘉靖年謚文敏

南吏部侍郎儲瓘直隸泰州人嘉靖年謚文懿 一作儲
瓘字靜夫浙江海寧人

南禮部尚書贈太子少保江瀾浙江仁和人嘉靖年謚
文昭

大學士贈少保張治湖廣茶陵人嘉靖年謚文隱隆慶中以湖廣撫按奏改文毅

時世宗尚元修輔臣志供元撰治殊不自得邑邑以卒世宗不悅詔加中謚隆慶改元始更今謚

都督同知劉文嘉靖年謚武襄

都督王劬嘉靖年謚武襄

副總兵贈都督同知林椿死俺谷之難嘉靖二十八年謚

忠勇

副總兵贈都督同知春嘉靖年謚忠勇

總兵贈左都督少保殷尚賓嘉靖年謚忠勇

征西前將軍贈左都督張達死俺谷之難嘉靖二十八年

謚忠剛

參將贈都督同知宗禮嘉靖年謚忠壯

副總兵贈都督趙傾葵嘉靖年謚忠壯

都指揮僉事贈都督同知郭嘉靖年謚忠壯

副總兵贈都督同知張紘嘉靖年謚忠壯

都指揮使贈都督李彬嘉靖年謚忠愍

副總兵贈都督李梅嘉靖年謚忠愍

經文廣通
卷之二十一
左都督贈少保李深嘉靖年謚忠愍

南兵部尚書贈少保秦金直隸無錫人嘉靖年謚端敏

南吏部尚書贈太子太保孫需江西德興人嘉靖年謚

清簡

都指揮贈都督同知丁碧嘉靖年謚節愍

都督同知贈左都督李啟光嘉靖年謚節愍

都督僉事贈右都督李桂嘉靖年毅勇

南吏部尚書贈太子太保朱希周直隸崑山人嘉靖年

謚恭靖 以避父名不用文

左都御史贈少保王璟山東沂州人嘉靖年謚恭靖

副都御史范鏞直隸華亭人嘉靖年謚恭襄

興府長史贈太子少保禮部尚書文淵閣大學士張景

明嘉靖年謚恭僖

右都御史贈太子太保俞諫浙江桐廬人嘉靖年謚莊

襄

刑部尚書韓邦問湖廣襄陽衛人嘉靖年謚莊僖

新寧伯譚佑直隸清河人嘉靖初以久典京營謚莊僖

東寧伯贈太子太保焦棟山後人嘉靖年謚莊僖

南工部尚書贈 太子少保黃珂四川遂寧人嘉靖年謚
簡肅

南刑部尚書方良永福建莆田人嘉靖年謚簡肅
戶部侍郎鄒守愚福建莆田人嘉靖年謚襄惠

黔國公贈太師沐紹勛直隸定遠人嘉靖年謚敏靖
刑部侍郎贈尚書胡紹江西鄱陽人嘉靖年謚康簡

宣城伯贈太傅衛鏞直隸華亭人嘉靖年謚康靖

工部尚書贈少保林廷楫福建閩縣人瀚子嘉靖年謚康
懿

右都御史贈刑部尚書周季鳳江西寧州人嘉靖年謚康
惠

南兵部尚書贈 太子太保李充嗣四川內江人嘉靖年
謚康和

南戶部尚書贈 太子太保王承裕陝西三原人恕之子
嘉靖年謚康僖

崇信伯費斌直隸定遠人嘉靖年謚康僖

南和伯方壽祥直隸全椒人嘉靖年謚康順

贈都督僉事馮恩嘉靖年謚莊愍

都督同知贈少保左都督岳懋嘉靖年謚壯愍

伏羌伯贈太傅毛銳陝西涼州人嘉靖年謚威襄

駙馬都尉京山侯崔元山西代州嘉靖年謚榮恭 元以

奉符迎立功故贈典獨隆史稱國塔封侯不以軍功自

元始

禮部尚書贈太子太保盛端明廣平饒平人嘉靖年謚

榮簡 隆慶元年以其方術致榮顯追奪贈謚

南刑部尚書翁溥浙江諸暨人嘉靖年謚榮靖

孝靜皇后父慶陽伯夏儒應天上元人嘉靖年謚榮靖

戶部尚書贈少保孫交湖廣鍾祥人嘉靖年謚榮僖

孝潔皇后父泰和伯贈太子太保陳萬言直隸元城人

嘉靖年謚榮僖

英國公贈太保張崙河南祥符人嘉靖年謚榮和

都督同知卻永嘉靖年謚隱懷

新建伯贈新建侯王守仁字伯安浙江餘姚人隆慶初以

卹錄例追謚文成

大學士贈少師蔣冕廣西全州人隆慶初以卹錄例追謚

文定

吏部侍郎贈禮部尚書王道山東武城人隆慶初謚文定
南兵部尚書贈 太子少保湛若水廣東增城人隆慶初

謚文簡

贊善贈光祿寺少卿羅洪先字達夫江西吉水人隆慶初

以卹錄例追謚文恭

禮部尚書贈 太子少保汪俊江西弋陽人隆慶初以卹

錄例追謚文莊

南祭酒贈禮部侍郎鄒守益江西安福人隆慶初追謚文

莊

南禮部侍郎贈禮部尚書陳陞浙江餘姚人隆慶初謚文

僖

南京右都御史贈工部尚書何塘河南懷慶衛人隆慶年

以給事王治奏謚文定

南禮部侍郎贈禮部尚書呂柟字仲木陝西高陵人隆慶

年以卹錄例追謚文簡

南工部侍郎贈禮部尚書何孟春湖廣郴州人隆慶初以

卹錄例追謚文簡

吏部侍郎贈禮部尚書董玘浙江會稽人隆慶初以卹錄

例追謚文簡

大僕寺卿贈副都御史楊宸四川射洪人隆慶初以卹錄

例追謚忠節

總兵贈少保左都督李涿隆慶初謚忠愍

左都督贈少保王治道隆慶初以遼東戰亡謚忠愍

刑部左侍郎贈尚書劉玉江西安福人嘉靖中以大獄罷

官隆慶初追謚端毅

刑部尚書贈太子少保鄭曉浙江海鹽人隆慶初謚端

簡

兵部侍郎贈尚書商大節湖廣鍾祥人以劾仇鸞斃獄隆

慶初以卹錄例追謚端愍

兵部尚書贈少保聶豹江西永豐人隆慶初追謚貞襄

刑部尚書贈太子少保林俊福建莆田人隆慶初以卹

錄例追謚貞肅

南工部尚書贈太子少保吳廷舉廣西蒼梧人隆慶初

以卹錄例謚清惠

副都御史贈兵部侍郎孫繼魯雲南人隆慶初以卹錄例

追謚清愍

吏部尚書贈少傅喬宇山西樂平人隆慶初以卹錄例追謚莊簡

南戶部尚書贈太子少保徐問直隸武進人隆慶初以卹錄例追謚莊裕

兵部侍郎贈尚書楊守謚湖廣長沙人嘉靖中以勤王逗留棄市隆慶初以卹錄例追謚恪愍

兵部尚書贈少保彭澤湖廣長沙人隆慶初以卹錄例追謚襄毅

兵部侍郎贈尚書曾銑浙江黃巖人嘉靖中以復河套啟

邊釁棄市隆慶初以卹錄例追謚襄愍

駙馬鄔景和直隸崑山人寄籍錦衣衛隆慶初謚榮簡

世宗時奉旨入直會當撰文景和辭以不諳多理

上心不悅尋以跡中有裹屍語為不祥坐怨訕削職為

民至隆慶中始復爵賜謚

少詹事贈禮部侍郎黃佐廣東香山人隆慶中以撫按奏

追謚文恪

禮部左侍郎贈禮部尚書瞿景淳直隸常熟人隆慶中謚

文懿

吏部尚書贈 太子少保胡松直隸滁州人隆慶中謚莊肅

大學士夏言江西貴溪人隆慶中以孫朝輔奏賜謚文愍南刑部右侍郎贈刑部尚書曾鈞江西進賢人隆慶中謚

恭肅

兵部尚書贈 太子少保趙炳然四川劍州人隆慶中謚

恭襄

兵部尚書贈 太子少保翁萬達廣東揭陽人曉暢軍情一時談兵者無出其右嘉靖末以嚴嵩媒孽罷官憂懼

而卒隆慶中追謚襄敏

南禮部侍郎贈尚書劉瑞四川內江人隆慶年謚文肅

南工部左侍郎贈禮部尚書程文德浙江永康人隆慶年

謚文恭

文德初論汪鉉調外後以撰彙不稱 旨調南京上疏

勸養安靜和平之福 世宗怒為謗訕削藉為民故卒

後數年始得贈謚 信史曰程公以理學自任足稱儒

者而悅譔彙文狼狽罷歸孰若見幾而作之為高哉

左都督贈太傅周尚文陝西西安衛人隆慶年以征西功

用卹錄例追謚武襄

副都御史贈戶部侍郎朱裳直隸沙河人隆慶年謚端簡

戶部尚書贈太子太保梁材順天府太城縣人嘉靖中

卒隆慶年以卹錄例追謚端肅

副都御史贈工部侍郎婁志德河南項城人隆慶年謚莊

肅

兵部尚書贈太保王廷相河南儀封人隆慶初追謚肅愍

鎮遠侯顧寰直隸江都人隆慶中謚榮僖

左都御史贈太子少保張永明浙江烏程人隆慶年謚

莊僖

兵部尚書許論河南靈寶人進子隆慶年謚恭襄

南兵部尚書贈一太子少保潘潢南直隸婺源人隆慶年

謚簡肅

南兵部尚書贈太子太保李遂江西豐城人隆慶年謚

襄毅

大學士張居正湖廣荊州人萬曆十年謚文忠

本年削奪

大學士贈太師徐階直隸華亭人萬曆年謚文貞

大學士贈太子太保高儀浙江錢塘人萬曆年謚文端

禮部尚書贈太保吳山江西高安人萬曆年謚文端

大學士贈少保趙貞吉四川內江人萬曆年謚文肅

吏部侍郎贈禮部尚書丁士美直隸清河人萬曆年謚文

恪

吏部侍郎贈禮部尚書陶大臨浙江會稽人諱子萬曆年

謚文僖

大學士贈太傅李春芳直隸興化人萬曆年謚文定

南兵部尚書贈太子少保劉宗湖廣麻城人萬曆年謚

端肅

南刑部尚書贈太子少保林雲同福建莆田人萬曆中

謚端簡

右都御史贈少保顧佐河南太康人萬曆年謚端肅

南史部尚書贈太子少保吳嶽山東汶上人萬曆年謚

介肅

左都御史贈太子少保潘思字子仁直隸上海人萬曆

年謚恭定

成國公贈定襄王朱希忠直隸懷遠人希孝兄萬曆年謚

恭靖 都督贈太傅朱希孝萬曆年謚忠僖

南史部尚書贈太子少保王學夔江西安福人萬曆年謚
莊簡

大學士贈太保呂調陽廣西臨桂人萬曆年謚文簡
戶部尚書贈太子少保方純湖廣巴陵人萬曆年謚簡

肅

南刑部尚書陳壽遠東寧遠衛人萬曆年謚簡襄

吏部尚書贈太師楊博山西蒲州人萬曆年謚襄毅

兵部尚書贈太子太保譚綸江西宜黃人萬曆年謚襄

敏

工部尚書贈太子太保宋禮河南永寧人萬曆年謚康

惠

吏部右侍郎贈禮部尚書諸大綬字端甫浙江山陰人萬

曆年謚文懿

南刑部尚書贈太子少保黃光昇福建晉江人萬曆中

謚恭肅

大學士贈太師張四維山西蒲州人萬曆中謚文毅

大學士贈少保馬自強陝西同州人萬曆年謚文莊

修撰贈左諭德舒芬字國裳萬曆中謚文節

南京都察院左都御史贈 太子少保海瑞廣東瓊州人

萬曆中謚忠介

資德大夫正治上御南京刑部尚書孫植字斯立浙江平

湖人萬曆中謚簡肅

大學士贈少保嚴訥直隸常熟人萬曆年謚文靖

掌詹事府吏部左侍郎贈禮部尚書周子義直隸無錫人

萬曆中謚文恪

禮部尚書贈 太子少保萬士和直隸宜興人萬曆年謚

文恭

大學士贈太保余有丁浙江鄞縣人萬曆中謚文敏

左都御史王廷四川南充人萬曆中謚恭節

大學士贈太保殷士儋山東歷城人萬曆初年謚文通十

八年以子陳乞改謚文莊

大學士贈太傅呂本浙江餘姚人萬曆年謚文安

大學士贈太傅陳以勤四川南充人萬曆中謚文端

兵部尚書贈 太子少保石茂華山東益都人萬曆中謚

恭襄

刑部尚書贈 太子少保王用汲福建晉江人萬曆中謚

忠肅

彰武伯贈太保楊炳直隸六安人萬曆中謚恭襄

左都御史贈太子少保陳瓚河間獻縣人萬曆中謚簡

肅

禮部尚書羅萬化子一甫浙江會稽人萬曆十三年謚文

懿

國子監祭酒蔡清字介夫福建晉江人萬曆十三年從言

官謚文莊

南禮部尚書林廷機福建閩縣人萬曆年謚文僖

南禮部尚書林濂福建閩縣人萬曆年謚文恪

刑部左侍郎鄭世威福建長樂人萬曆年謚恭介

刑部尚書邱檉山東諸城人萬曆年謚簡肅

南吏部尚書袁洪愈直隸長洲人萬曆年謚安節

大學士贈少保陳于陞四川南充人文端公以勤之子萬

曆二十五年謚文憲

大學士許國直隸歙縣人萬曆中謚文穆

工部尚書袁貞吉江西南昌人萬曆中謚簡肅

吏部尚書陸光祖浙江平湖人萬曆中謚莊簡

吏部尚書孫鑑浙江餘姚人萬曆中謚清簡

大學士趙志臯浙江蘭溪人萬曆二十九年謚文懿

南京右都御史王樵鎮江金壇人萬曆二十九年謚恭簡

耿定向黃安人萬曆年謚襄

簡

先聖先賢先儒謚

春秋

孔子名丘字仲尼其先宋人生魯昌平鄉陬邑仕魯宰中都歷官司空大司寇攝行相事卒之年魯哀公誄曰尼

父鄭元曰尼父者因其字以為之謚 漢元始元年追

謚褒成宣尼公 元魏太和十六年謚文聖尼父 唐

貞觀十一年尊為宣尼父 開元二十七年追謚文宣

王 宋大中祥符元年加謚元聖文宣王五年以元字

犯聖祖諱改謚至聖文宣王 西夏李仁孝天慶五年

尊為文宣帝 元大德十一年加號大成至聖文宣王

皇明嘉靖九年十一月大學士張璁奏奉 欽定改

祀典十年禮部勘合通行欽遵自兩京國子監及天下

儒學凡文廟俱撤塑像止用木主先師去大成至聖文

宣王封號題稱至聖先師孔子配享從祀去公侯伯封
號四配題稱復聖顏子宗聖曾子述聖子思子亞聖子
子十哲兩廡門弟子題稱先賢其子左邱明以下題稱
先儒某氏凡神位改稱之位大成殿額改先師廟戟門
稱文廟之門遵復 國初舊制器國子監用十籩十豆
天下學用八籩八豆樂通舞用六佾其四配籩豆六哲
廡四仍舊祝文中改惟王為惟師樂章中改宣聖為孔
聖惟王為惟師聖王為聖師餘文仍舊兩廡從祀內申
黨即申張去申黨止存申張一位公伯寮秦冉顏何荀

況戴聖劉向賈逵馬融何休王肅王弼杜預吳澄十三
人俱罷祀林放蘧瑗鄭衆盧植鄭元服虔范甯七人各
祀于其鄉外后蒼王通歐陽修胡瑗陸九淵五人俱增
入從祀

顏無繇顏子之父元文宗至順三年追封祀國公謚文裕
宋

周子名惇頤字茂叔道州營道人號濂溪先生以舅廕仕
終知南康軍寧宗嘉定九年因漳州運判魏了翁請謚
元

程伯子名顥字伯淳河南人號明道先生以進士仕宗正丞嘉定十三年號純 程叔子名頤字正叔號伊川先生以薦舉仕直秘閣嘉定十三年謚正

張子名載字子厚長安人號橫渠先生以進士仕崇文院校書嘉定十四年謚明

初張載之門人欲私謚載程子以書問司馬溫公公答曰承問及張子厚謚倉卒奉對以漢魏以來此類甚多無不可者退而思之有所未盡竊惟子厚平生用心欲率令今世之人復三代之禮者也漢魏以下益不足法

郊特牲曰古者生無爵死無謚爵謂大夫以上也檀弓記禮所由失以為士之有誄自縣貢父始子厚官比諸侯之大夫則已貴宜有謚矣然曾子問曰賤不誄貴幼不誄長禮也惟天子稱天以誄之諸侯相誄猶為非禮况弟子而誄其師乎孔子之沒哀公誄之不聞弟子復為之謚也君子愛人以禮今關中諸君欲謚子厚而不合于古禮非子厚之意與其以陳文範陶靖節王文中子孟貞曜為比曷若以孔子為比乎

邵子名雍字堯夫河南人熙寧十年贈秘書省著作郎元

祐中謚康節

楊時字中立南劍將樂人號龜山先生熙寧九年進士後以薦舉仕龍圖閣直學士紹興中謚文靖

胡安國字康侯崇安人號武夷先生官至中書舍人謚文定

羅從彥字仲素劔南人號豫章先生淳祐間謚文質

李侗字愿中南劍州劍浦人號延平先生淳祐間謚文靖
朱子名熹字仲晦徽州婺源人號晦菴又號紫陽以進士仕文華閣待制初謚文忠嘉定二年改謚文

張栻字敬夫廣漢人浚之子號南軒先生以廕仕右文殿

修撰嘉定七年謚宣 衛涇疏曰臣竊惟聖明如忠臣

下生有爵秩沒有易名至于勲德節義聲實彰著不以

官品亦特命謚其蘊德邱園雖無官爵聽所屬奏賜如

卨康節之在元祐徐孝節之在政和官不過學校而特

得賜謚者以其學術重于時孝行严于鄉道尊德隆貴

視品秩所以崇儒學獎拯行勵風俗也臣竊見故承事

卨右文殿修撰張栻魏國忠獻公浚之子師事南嶽胡

氏盡傳伊洛之秘遂以其道鳴于西南著書立言開迪

後進四方士子皆宗師之至今尊其道德相與私號為
南軒先生官未及謚其家既不敢自請門人弟子又無
通顯于朝者為之請士論堙鬱三十餘年臣愚謂宜下
太常考其行錫以美名使天下後世知儒者節義之貴
過于品秩於以激勵誠非小補

呂祖謙字伯恭金華人夷簡五世孫號東萊先生以進士
官著作郎兼國史院編修嘉定八年謚成

蔡元定字季通建陽人號西山先生贈迪功郎謚八節
陸九齡字子壽撫州金谿人號梭山先生贈迪功郎謚州

教授寶慶二年特贈朝奉郎直秘閣謚文達 陸九淵

字子靜九齡弟號象山先生以進士官將作監謚文安

真德秀字景希浦城人號西山先生以進士官資政殿學
士提舉萬壽觀兼侍讀贈銀青光祿大夫謚文忠

魏了翁字華父邛州蒲江人理宗賜第宅于蘇州遂為長
洲人講學臨邛白鶴山下號鶴山先生以進士官資政
殿學士通奉大夫贈太師秦國公謚文靖

劉燾字晦伯建陽人號雲莊以進士官權工部尚書兼太
子右庶子光祿大夫謚文簡

李燾字敬子南康建昌人號弘齋以進士官直秘閣贈直
華文閣謚文定

黃幹字直卿閩縣人號勉齋贈朝奉郎謚文肅

蔡沉字仲默元定號九峰謚文正

何基字子恭金華人謚文定

王柏字會之金華人自號魯齋德祐間謚文憲

袁燾字和叔鄞縣人官寶文閣學士謚正獻

楊簡字敬仲慈谿人官寶謨閣學士謚文元

舒燐字元質一字元賓奉化人官宜州通判謚文靖

沈煥字叔晦定海人官舒州通判贈直華文閣謚端憲

元

金履祥字吉父蘭溪人自號仁山魯齋門人也至正中謚

文安

許謙字益之金華人受業于仁山之門人稱白雲先生至

元三年卒謚文懿

皇明

薛瑄字德溫山西河津人仕至禮部侍郎直內閣其學主

于實踐不為空言人稱薛夫子天順中謚文清

王文成守仁亦以理學從祀先聖然謚以事功不專以理學故第列于名臣謚中

續文獻通考卷之一百五十二

皇明進士雲間王圻纂輯

謚法考 隱逸

隱逸謚

晉

范平錢唐人研窮文典治臨淮有異政大康中召不起卒

謚文政^正先生

張忠字巨和中山人永嘉之亂隱于泰山卒謚安道先生
郭荷字承休洛陽人明究經籍特善史書不應州郡之命

續文獻通考

王文成守仁亦以理學從祀先聖然謚以事功不專以理學故第列于名臣謚中

續文獻通考卷之一百五十二

皇明進士雲間王圻纂輯

謚法考 隱逸

隱逸謚

晉

范平錢唐人研窮文典治臨淮有異政大康中召不起卒

謚文政先生

張忠字巨和中山人永嘉之亂隱于泰山卒謚安道先生

郭荷字承休洛陽人明究經籍特善史書不應州郡之命

續文獻通考

卒謚玄德先生

符秦 公孫永字子陽襄陽人好學恬靜隱於平郭卒謚
崇虛先生

梁

陶弘景秣陵人幼有養生之志掛冠辭祿號華陽隱居梁
武屢聘不出畫二牛賦白雲詩見意卒賜謚貞白先生
劉歊平原人儒業冠時梁武少常師之天監元年詔為歊
立牌謚貞簡先生

庾詵字彥寶新野人聰警篤學為人犯而不校專掩匿人

過失徵辟不起年七十八卒武帝謚貞節處士

北魏 刁冲渤海饒安人有學行不仕卒謚安憲先生

魏質字懷素曲陽人幼篤學通諸經大義後為亂賊所害
興和二年謚貞烈先生

李謚趙郡人周覽百氏隱居不仕卒年三十二四門小學
博士孔燔等奏其學行詔曰謚屢辭徵辟志守冲素儒
隱之操深足嘉美可遠彷彿惠康近準玄晏謚曰貞靜處
士并表其閭以旌高節

唐 司馬承禎字子微洛州温人事潘師正得辟穀道引

術往廬天台不出睿宗召問其術答曰為道在日損損之又損以至於無夫心目所知見每損之尚不能已况攻異端而增智慮哉帝曰治身則爾治國若何答曰國猶身也遊心于淡合氣于漠與物自然而天下治帝嗟嘆曰廣成之言也開元中再被召至都玄宗詔于玉屋山置壇室以居年八十九卒謚貞一先生

宋

徐積山陽人以父名石遇石不踐母卒置靈几奉養如生時有靈芝甘露之異為楚州教授除宣德郎監中岳廟

卒賜謚節孝先生

陳搏真源人居華山雲臺觀宋太宗召入朝禮遇甚厚尋放還山賜號希夷先生

葛書思江陰人為泗州教授監新市鎮欲養父棄官不仕卒贈朝奉郎特謚清孝

林逋杭州人結廬西湖孤山臨終有詩諷封禪之失卒謚和靖先生

郭雍字子和居峽州放浪長楊谷門間賜號冲晦處士何群字通夫西充人賜號安逸處士

章啓字隱之雙流人賜號冲退處士

高懌字文悅從种放受業寇準薦不起仁宗嘉其守賜號

安素處士

王庠榮州人孝宗賜號處士卒謚賢節

張舉字子厚常州人登進士甲科以無他兄弟獨養其親

范祖禹蘇軾薦之終不出崇寧四年卒謚正素先生

徐復字復之建州人精通樂器賜號冲晦處士

劉^宰宰金壇人登進士第遷太常卿知寧國府皆不就理宗

嘉其節賜謚文清

元

李俊民澤州人棄官不仕隱于嵩山卒謚莊靖先生

揭來成曼碩之父以邃學篤行見推前輩卒謚貞文先生

梁陟良鄉人金進士入元以名儒徵領燕京編脩卒謚通

獻先生

韓性字明善紹興人博綜經史於儒先性理之說尤深探

其間域憲府嘗舉為教官辭不受卒謚莊節先生

孟夢恂字長文黃巖人恭定時嘗為本郡學錄以設策禦

寇衛鄉邦有功授宜興判官未受命而卒謚康靖先生

黃超然黃巖人精于易學自號壽雲謚康敏

杜英字文玉避地河南緱氏山中世祖嘗召見辭歸天曆

中贈資德大夫翰林學士上護軍追封魏國公謚文獻

黃鎮成邵武人年弱冠慨然以聖賢道學自任學者號

存齋先生至正間以壽終謚貞文處士

胡炳文婺源人為信州書院山長再調蘭溪州學正隱于

雲峰山世號雲峰先生卒謚文通

歷代私謚

春秋

黔婁先生私謚康 初黔婁既卒曾子弔之曰先生之卒

也何以為謚其妻曰以康為謚曾子曰先生在時食不

克口衣不蓋形死則手足不斂旁無酒肉生不得其美

死不得其榮何樂于此而謚為康其妻曰昔先生君嘗

授之以政以為國相辭而不受是有餘貴也君嘗賜之

粟三千鍾辭而不受是有餘富也若先生者甘天下之

淡味安天下之卑位不戚戚于貧賤不欣欣于富貴求

仁而得仁求義而得義謚之曰康不亦宜乎曾子曰唯

斯人也而有斯婦

展禽私謚惠 初展禽既卒門人將誄之其妻曰將誄夫子之德耶則不如妾知之深也乃誄曰夫子之不伐兮夫子之不竭兮夫子之信誠而與人無害兮柔屈從俗不彊察兮蒙耻救民德彌大兮雖遇三黜終不蔽兮豈弟君子永無厲兮嗚呼惜哉乃下世兮庶幾遐年今遂逝兮嗚呼哀哉魂神洩兮夫子之謚宜為惠兮門人從之以為誄莫能竄一字

柳下惠為魯大夫宜有公謚而謚乃出于其妻豈三黜後不在其位耶

漢

蔡稜即邕之父陳留圉人清白有行私謚貞定

荀靖字叔慈潁川人淑子私思謚玄行先生

夏恭字敬公梁國蒙人習韓詩孟氏易門徒千餘人卒私

謚宣明 子牙少習家學舉孝廉鄉人私謚文德

樓壽字元考南陽人州縣屢辟不應私謚玄儒先生

王懷常為潁川太守卒私謚昭定先生

陳寔字仲弓潁川許人太丘長居鄉恂恂有禮教人化其

德私謚文範先生

朱頡南陽宛人暉之子有德行卒子穆與諸儒考依古誼
私謚貞宣先生

朱穆祿仕數十年蔬食布衣家無餘財蔡邕與門人共述
其行私謚文忠先生

張霸字伯饒成都人以學顯嘗為會稽太守又為侍中卒
後將作大匠翟璜等與門人私謚憲文

法真漢鄙人為關西大儒四徵不屈私謚玄德先生

楊厚字仲桓廣漢新都人順帝時拜議郎後稱病教授門
人上名錄者至三十餘人卒後私謚文

范丹字史雲陳留人桓帝朝為萊蕪長卒何進移書陳留
太守累行論謚私謚貞節先生

晉

宋纖字令艾燉煌人隱居不仕人稱為八中龍年八十卒
私謚玄虛先生

索襲字偉祖燉煌人虛靖好學卒私謚玄居先生

陶潛字元亮柴桑人以曾祖晉世宰相耻復屈身後代為

彭澤令即棄官歸卒于宋元嘉中私謚靖節先生

梁

續文獻通考
劉峻字孝標平原人博通群書文藻秀出普通三年卒門人私謚玄靖先生

劉歆字元士平原人隱居不仕親故謀其行跡私謚貞節先生 劉訐歆族弟祖孝標稱曰訐超超越俗如半天朱霞歆矯矯出塵如雲中白鶴宗人至友私謚玄貞處士

阮孝緒陳留人博極群書操履介潔梁天監末私謚文貞處士

蕭眎素南蘭陵人為諸暨令到縣十餘日懸衣冠于縣門

而去獨居屏事非親戚不得見私謚貞文先生

隋

劉焯少與劉炫為友嘗以造偽書獲罪及卒門人私謚宣德先生

王通龍門人以孔子自擬門人私謚文中子

唐

楊播炎之父高蹈丘園卒私謚玄靖先生

元德秀字紫芝河南人貧而孝私謚文行先生

元延祖洛陽人避安祿山亂棄官不仕私謚大節先生

續文獻通考
陳融廣陵人不學不仕孝友化人貞元中私謚貞晦
方千字雄飛桐廬人隱居鏡湖長於詩翰私謚玄英

蕭穎士字茂挺梁鄱陽王恢七世孫樂聞人善推引後進
人號蕭夫子崔圓薦授揚州功曹參軍客死汝南門人
私謚文元先生

陸質一名淳字伯冲師事趙啖受春秋門人私謚文通

崔元翰日用從昆弟母喪不仕隱白鹿之陽鄉人私謚貞

文孝父

徐師道字太真會稽人少有志行不干仕進裴行儉辟為

幕賓棄官歸隱私謚文行先生

孟郊字東野武康人登貞元間進士授溧陽尉後為興元
鎮趙餘慶參謀卒門人私謚貞曜先生

趙元字貞固河間人為小邑令彈琴蒔藥如隱者操卒其
友魏元忠孟銑宋之問崔璩等私謚昭夷先生

賈會京兆人有高節不答辟署里中號一龍親喪負土成
墳又號閔中曾子卒私謚廣孝徵君

朱仁軌字德容亳州永城人隱居養親孝感赤烏白鵲巢
所居樹卒員半千魏元忠共私謚為孝友先生

虞九臯字鳴鶴慈谿人登貞元間進士卒於京師一時名流相與正柳宗元誅之私謚曰恭肅

五代 宋榮義烏人周時鄉人私謚文通先生

宋

賈同字希德臨淄人天聖中累官殿中丞知棣州門人私謚存道先生

戚同文楚丘人隱居授徒門人私謚堅素先生

丁明金壇人閉門讀書手編事類百餘卷卒鄉里私謚博雅先生

蕭楚太和人紹聖間遊太學時蔡氏專國禁春秋學楚誓不復出仕著經辯四十九篇弟子百餘人趙暘馮澣胡銓皆師之自號三顧隱客既歿門人私謚清節先生

曾元忠永豐人大觀間登第累官廣州教授所著有春秋曆法論語解周易解等門人私謚文節先生

朱昂南陽人人目爲小萬卷不樂仕進景德中卒鄉人私謚正裕先生

劉蒙字子明渤海人以遺逸舉知潮陽時王安石創新法蒙與議不合條上其害投劾以去退居田里卒門人私

謚正思先生

劉敞字原父袁州人慶曆中舉進士第一歐陽脩稱其博學及卒弟貢父私謚公是先生 劉敞字貢父敞之弟兄弟皆好諧謔素與王荊公善坐是相失卒弟子私謚公非先生

吳戲龍泉人以行義見推康定中郡守 以春以教授州學部使者薦於朝賜粟帛授將作監主簿卒門人私謚冲和先生

戚如琥字小白浙江金華人門人私謚貞白先生

楊滙成都人杜門著書人無知者邵伯溫爲部使者薦其學行甚高節甚苦不報卒學者私謚靜恭先生

朱牧字子文閩縣人第進士死難鄉人稱以文鳴沒以節顯私謚文貞先生

林公遇字養正閩人性孝謹恬退蘆屨不起研思道理深入趣奧學者私謚文隱先生

褚承亮字茂先真定人宣和五年鄉試第一後爲幹離不所拘策問非宋帝不對而出年七十終門人私謚玄貞先生

經文獻通考
崔汝文字公異丹陽人紹興中為叅政制誥古雅氣格渾厚近世罕及卒門人私謚忠惠

胡憲崇安人文定公類朱文公嘗從受學人號籍溪先生卒門人私謚靖簡

林光朝字謙之莆田人登隆興進士官至中書舍人其學專心踐履不為訓話南渡後以伊洛之學倡東南與朱晦庵張南軒呂東萊陸象山俱以道學名卒私謚文節陳藻字元藻福清人家貧篤學得林光朝經學之傳景定間以門人林希逸請追贈迪功郎私謚文遠先生

黃裕字公裕莆田人通經有名創義齋立五規沒後皇甫泌私謚之曰義成逸士

黃震字東發慈谿人度宗時進士有日抄百卷行世門人私謚文潔先生

陸正行浙江人門人私謚靖獻先生

鄭君老字邦壽長溪人登咸淳進士乞歸養親宋亡不仕學者私謚靖節先生

劉士英字中發武康人通判太原金人入舉入寇與將官王稟堅守城中食盡士英死之時年四十五門人私謚

續文獻通考
為安節先生

劉安世安福人舉進士知寧都縣有郡官求羨餘遂不仕
遠近受業者踵至_里從而師之安世沒萬里為制
服及葬門人私謚清純先生

饒魯餘千人幼從黃幹游學術精明累薦不起號雙峰卒
門人私謚文元先生

徐應鑣江山人德祐時為太學生元兵入携子女同死于
尊經閣下同舍生私謚正節先生時有閩人衛富益亦
私謚正節先生

劉愚字必明龍游人弱冠入太學有聲釋褐調江陵教授
受業者甚衆後棄官歸家丞相余端禮挽之不顧著書
自娛門人私謚謙靖先生

元

李友端郢州人隱居不仕訓誨子弟從者甚衆門人私謚
貞隱先生

徐俊德清人至元中累徵不起卒門人私謚安節先生

吳萊浦江人門人私謚淵穎先生

聞人夢吉金華人隱居白樂門人宋濂吳履仁輩私謚凝

熙先生

宇文公諒字子貞吳興人通經史百家言弱冠有操行常
官嶺南以疾請老不飲甚嚴門人私謚純節先生

陳忠寧晉人陳祐祖博究經史鄉黨皆尊師之既沒門人
私謚茂行先生

第五居仁字士安博通經史躬率子弟致不農畝鄉里高
其行義率多_化服門人私謚靜安先生

何中字太虛樂安人聚書萬卷手自校讐徵辟皆不就隱
于紫霞山中士人私謚貞白先生

危復之字見心撫州樂安人博覽群書好讀易尤攻詩徵
聘皆不就至元時隱于紫霞山私謚貞白先生

劉德淵字道濟襄國內丘人至元中私謚卓行先生

顧權字用衡崑山人博通群典遭時多艱隱居不仕爲鄉
校師門人私謚靖夷先生

杜瓊字用嘉吳縣人性至孝博綜古今徵召皆不就學者
稱東原先生私謚淵孝先生

皇明

蕭尚仁江西泰和人洪武中以賢良召卒門人私謚貞固

先生

胡榮字希華湯溪人居家孝友門人私謚文莊先生

王徐義烏人王文忠公之孫至孝有學靖難後門人私謚孝莊先生

馬濂字原清東陽人仕至山西憲副鄉人私謚孝廉先生

鄭洧浦陽人嘗代兄濂死私謚貞義處士以淵私謚貞孝處士

陳迪字景道宣城人建文朝為禮部尚書死于靖難時郡人私謚靖獻先生

卓敬浙江瑞安人革除中戶部侍郎嘗密奏裁抑宗藩

永樂中論死宣德中劉球作傳私謚忠貞

王賓字用賓鄞人洪武六年舉茂才以母老不赴後以文學薦授休寧教諭秩滿考績廷試鍾以雨霖及泰鶴兩

賦上奇之命供奉翰林以老辭教授溇郡卒門人

私謚清節先生

劉履字坦之沛郡人從徙金華劉忠公漢弼玄孫洪武中

私謚貞恭先生

龔翊字大章崑山人年十七為金川門卒靖難兵入大慟

還鄉里巡撫周忱薦為崑山太倉學官辭不就曰恐負城門一慟耳既卒門人私謚安節先生

張璠字仲圭別號定夫華亭人起家山東黃縣訓導後以子貴封都御史贈尚書有賢行學者私謚貞孝先生

秦旭景字暘父無錫人嘗讀論語至君子備己以敬曰此萬金良藥也凡行己接物一以是為準及卒友人李舜民等私謚貞靖先生

李年字成之華亭人元末華黎之後始祖鎮撫松江因家焉祖寬改今姓領江浙行省解首年嗜古篤學以德行

文章表于邑里有一楞類稿行世門人私謚貞靖先生
陸震字汝亨金華人正德中進士歷官兵部以諫南巡杖死贈太常少卿門人私謚忠定先生

何震字汝元華亭人以春秋教授生徒德行聞于督學使者官教諭卒嘉靖中有司立祠祀之私謚孝康先生
馮海華亭人性至孝母浦氏寢疾累月晝夜叩斗求代母幸差而身以勞斃三人私謚苦孝先生子達哭弟嘔血而卒孫思曾孫行可父子忠孝並蒙表

杜瓊字用嘉吳人篤孝淳德割股愈母疾有司屢薦輒辭

年八十餘卒門人私謚為淵孝先生

鯨字應雷慈谿人嘉靖丙辰進士官行太僕嘗講學慈

書院啓迪後進士人立懷德祠祀之私謚正道先生

字子裕別號仲山無錫人嘉靖戊戌進士官廣東按

司僉事退居湖上以詩文翰墨名四方學者爭事

人以立身行己為先忠孝為本所著仲山詩選祇

原筮齋集崇文稿若干卷門人私謚文靖先生

張緒字文倫別號甌山漢陽人以毛詩舉楚弟三人累官

南京吏部員外郎嘉靖末奉 大行詔慟哭失聲一時

姍以為迂因棄官歸與大司徒耿先生講學天窩山迪
誨後學家徒四壁不問友人私謚介肅先生

歷代婦人謚

魯 顏無繇妻齊姜氏元文宗至順三年討祀國夫人謚

端憲

顏子妻宋戴氏至順三年討免國夫人謚貞素

大夫穆伯娶於莒謚曰戴己其姊謚聲為聲己

大夫妻妾有謚始見此

晉 大夫趙莊子娶公女謚莊姬

鄒 孟子母元至順三年封聊國夫人謚宣獻

西漢 上官安妻霍氏昭帝后母謚敬

王廼始妻博平君宣帝外祖母謚昭成

後漢 鄧太后母新野君謚敬

晉

文明皇太后母羊氏平陽君謚靖

景獻后母蔡氏濟陽縣君即邕女文姬謚穆

虞潭母孫氏權族孫女蘇峻之亂質所服環佩以充軍資

又遣其子楚與王允之合勢討峻成帝賢之卒遣使吊

祭謚定

桓温母孔氏贈臨賀太夫人謚敬

賈充妻宣城君郭氏惠帝后母謚宣

陝婦人不知其氏嫠居守節事叔姑甚謹叔姑女誣殺其

母有司不能察戮之經歲不雨劉暉道呼延謨為太守

廉其冤斬誣者祭以太牛謚貞孝烈婦

南齊 高帝外祖母切氏永昌縣君謚靖

梁 王僧辯母魏氏謚貞敬

追封吳郡嘉興縣君許氏陳高祖霸先之祖母先^故之太平

追年追謚敬

陳世祖文皇帝后母綏安縣君沈法深之妻天嘉初追謚宣

駱文牙母凌氏文帝永定三年贈常安國太夫人謚恭

初陳文帝避地臨安文牙母亦非常賓待甚厚故加贈謚

北魏文成帝保母常氏尊為皇太后謚昭

胡靈皇后母太上君皇甫氏謚孝穆

河間公元丕妻段氏靈太后時謚恭

任城康王元雲妃謚烈懿任城王澄遭太妃憂臣寮立

碑頌題碑欲云康王元妃之碑澄訪於張普惠普惠答

曰謹尋朝典但有王妃而無元字魯夫人孟子稱元妃

者欲下與繼室聲子相對今烈懿太妃作配先王更無

聲子仲子之嫌竊謂不假元字以別石位且以氏配姓

愚以為在生之稱故春秋夫人姜氏自齊既葬以謚

配姓故經書葬我小君文姜又曰來歸夫人成風之祿

皆以謚配姓古者婦人從夫謚今烈懿太妃德冠一世

故特蒙褒錫乃萬代之高事豈容於定名之重而不稱

烈懿乎從之

高平公李順妻謚孝

盧元禮妻李氏性至孝父卒號慟幾絕有數四母卒馳驅奔喪號慟而卒謚貞孝女宗

北齊 趙郡王高琛妃謚貞昭

陳元康後母李氏以元康卒哀戚發病而終贈廣宗郡君

謚貞昭

隋 馮寶妻譙國夫人洗氏盡忠貞於累朝仁壽初謚誠敬

唐 上官昭容母鄭氏謚節義夫人

唐 彦昭女姝姝德宗時謚愍 女七歲李納屠其家母憐

其幼請免死為婢女不肯問父所在西向哭再拜死

宋 池州通判趙昉發妻雍氏與夫同死節謚順義夫人

金

同州婦師氏夫亡孝養舅姑舅姑既沒心師達與姪規其

財產偽為媒聘致之官官不辨師投縣署井中死明昌

三年詔有司祭其墓謚節

監察御史李英妻張氏居濰州貞祐元年元丘取濰州謂

續文獻通考
張汝品官妻當復為夫人張曰我為李氏思耳遂殺之
追封隴西郡夫人謚莊潔

許古妻劉氏定海軍節度仲洙之女貞祐初僑居浦城兀
兵圍浦時古仕於朝劉與二女相繼死追封為郡君謚
貞潔長女謚定姜次女謚肅姜

相琪妻藥氏有姿色貞祐三年紅襖賊陷掖縣琪與藥及
子俱為賊所得賊殺琪與子而誘藥氏藥氏奪罵賊怒
殺之封西河縣君謚莊潔

王維翰妻姚氏與夫同死於定海軍贈芮國夫人謚貞潔

元 買哥妻移刺氏買哥死氏哀毀亦死世祖特謚貞靜
闕文興妻王氏與夫同死於漳州至順三年謚貞烈夫人
王時妻安氏磁州人名正同時以叅知政事分省太原安
氏從之賊陷太原安與妾李氏同赴井死贈安氏梁國
夫人謚莊潔

皇明

故元太尉平章政事 本朝中書平章政事李思齊妻鄭
氏夫卒自縊洪武中追贈淑人謚貞烈

安陸侯吳復妾楊氏宣德中贈淑人謚貞烈

陝西指揮使王倣妾時氏贈淑人宣德中謚忠烈 倣方

戰歿時年二十八自以身殉

衛聖保母尹氏宣德中謚惠靖

佑聖保母張氏正統中謚恭靖

輔聖夫人藺氏天順中謚莊懿

夫人魏氏成化中謚恭和

佑聖夫人張氏成化中謚莊靖

崇聖夫人申氏弘治中謚榮和

保聖夫人孫氏嘉靖中謚榮和 五夫人俱保母

歷代婦人私謚

唐 巢刺王乳媪陳善意私謚慈訓 初刺王之生也太

穆后惡其貌不舉善意私乳之後刺王好與奴客諸妾

被申習戰因中創善意以為言刺王怒命壯士拉殺之

而加謚

皇明

閩縣林叅政允中女采許字長樂陳中丞省子長源早

卒林絕食死殉邦人謚曰貞女

鄞縣楊孟惠女甫八歲年字俞氏子未幾俞氏子卒請以

仲繼楊氏父母許之邑邑不樂比請婚期以死自誓
父母不知強遂守一閨絕不與家人相通年六十四卒
楊氏私謚為守貞娘子

異代追謚

虞 咎繇唐天寶二年追號德明皇帝

周

上御大夫李敬老子之父天寶二年追號先天太皇

比干貞觀十九年謚忠烈元至元二年追封仁顯忠烈公

箕子元至元六年追封仁獻公

周文王武后謚為文皇帝號始祖 妣妣氏謚文定皇后

平王少子武武后推為四世祖謚為康皇帝號睿祖妣

姜氏謚康惠皇后

漢 榮澤侯紀信 本朝賜謚忠烈

唐

杜甫字子美襄陽人官拾遺元至元二年追謚文貞

劉蕡唐昌平人元至元十七年追謚文節

鄧文進始興人官韶州刺史累立戰功崩食樂昌 本朝

賜謚忠義

宋

譚必宋樂昌人官邕州推官贈金紫光祿大夫 本朝賜

謚忠愍

朱松徽州婺源人朱子之父至正三十一年謚獻靖

文天祥廬陵人官少保封信國公 本朝賜謚忠節

文文山戮柴市時天地晝暝不辨人色宮中皆秉燭行

群臣入朝亦焚炬元世祖大悔贈公特進金紫光祿大

夫太保中書平章事廬陵郡公謚忠武命王積翁書神

主祀于柴市丞相字羅行莫忽狂風大作捲主直入雲

霄雷鳴如怨叫聲乃改書前少保右丞相信國公天遂

開霽始知公英靈不肯受元謚贈官爵

謝枋得信州人官江西招諭使知信州 本朝賜謚文節

· 宦者謚

前漢 許廣漢昌邑人少時為昌邑王邸從武帝上甘泉

誤取他邸鞍以被其馬發覺下蠶室後為宦者丞宣帝

以其女為后封平恩侯薨謚戴

後漢 浮陽侯孫程謚剛

北魏

仇洛齊中山人本姓侯氏生而無陰舅氏仇高養為己子
後入宮以平涼功超遷散騎常侍加中書令進爵零陵
公又拜侍中冀州刺史內都大官卒謚康

趙默字文靜涼州隸戶涼州平入為奄人恭謹小心賜爵
關內侯累官鎮南大將軍儀同三司定州刺史進爵為
王後卒于冀州刺史追贈司空謚康

王瑀太原人泰恒中被刑入官歷位冀州刺史爵高平王
卒年九十謚靖

張祐字安福安定人坐事充腐刑累官尚書左僕射新平

王卒贈司空謚恭

成軌字共義上谷居庸人少以腐刑入官後以光祿大夫
進爵為侯卒于衛將軍贈雍州刺史謚孝惠

封津字醜漢北海蓆人以外祖連罪受刑給事官掖累官
侍中大長秋卿開府儀同三司薨贈司徒冀州刺史謚
孝惠

張宗之字益宗河南鞏人初父孟舒為宗文邕逼之反文
邕敗宗之被執充腐刑以忠厚謹慎擢為侍御中散累
官至散騎常侍鎮東將軍冀州刺史爵彭城郡侯太和

二十年卒贈建節將軍懷州刺史謚敬

封磨奴字君明勃海蓐人以崔浩故刑為宦者後卒于懷州刺史贈勃海公謚定

秦松不知其所由宣武時領長秋卿出為散騎常侍安北將軍并州刺史爵高都子卒贈大將軍肆州刺史謚定

唐

楊復光閩人與忠武節度周岌定誓斬賊位開府儀同三司同華制置使弘農郡公又賜號資忠輝武匡國平難功臣謚忠肅

李輔國幼以閹人入侍肅宗擅權自恣代宗令人刺殺之謚醜

張承業字繼元唐僖宗宦者朱溫篡唐承業以興復望莊宗及莊宗即帝位非其心因不食卒同光元年贈左武衛上將軍謚正憲

宋

劉承規字大方楚州山陽人太宗時官檢校太傅左驍衛上將軍安遠軍節度觀察留後卒贈左衛上將軍鎮江軍節度使謚忠肅

藍繼宗字承祚廣州南海人年十二從劉鋹歸朝以景福
殿使邕州觀察使歷事四朝家居卒仁宗贈安德軍節
度使謚僖靖

張惟吉字祐之開封人仁宗時為果州團練使領皇城
張貴妃薨治喪鳳儀殿宰相不能執禮深以為非卒後
贈保順軍節度使謚忠安

石全彬真定人仁宗時以破智高功累遷福延宮使提
點奉先院卒贈太尉定武軍使謚恭僖

盧守勲字君錫開封祥符人仁左衛大將軍致仕

卒贈保順軍節度使謚安恪

李憲字子範開封祥符人哲宗初千牛衛將軍分

司南京卒紹聖中贈武泰軍節謚敏恪後改忠

敏

宋用臣字正卿開封人徽宗時為奉鈐轄卒贈

安化軍節度使謚僖敏

李舜舉字公輔開封人仁宗時為團練使卒贈昭信

軍節度使謚忠敏

梁從吉字君祐開封人仕至永州團練使為副都知元祐

中卒贈成德軍節度使謚敏恪

馮世寧字靜之政和初以內客省使彰化軍留後致仕卒
贈開封儀同三司謚恭節

蘇利涉字公濟慶曆中以衛士之變衛戩有勞累轉海州
團練使卒贈奉國節度使謚勤僖

康履為康王府都監死于苗劉之變劉誅贈官謚榮節
藍安石高宗時為內侍省副都知至湖州觀察使卒贈保
寧軍節度使謚良恪

渡江後中官贈謚自安石始

康諲高宗時為內侍省押班累官至均州觀察使卒贈保

信軍節度使謚忠定

釋家謚

梁 寶誌金陵人天監十三年終元天曆中累加謚號道
林慧戒直覺慈應普濟禪師

元魏 法果名僧也卒後太祖贈老壽將軍謚趙胡靈公
此僧賜謚之始

菩提達摩南天竺國香至王第三子自西域至中國止嵩
山傳教為初祖卒于法帝永安元年唐代宗追謚圓覺

大師

隋 慧可武牢人姓姬氏為禪家二祖文帝開皇中卒唐
德宗貞元十四年追謚太祖大師

僧燦為禪家三祖煬帝大業中卒唐玄宗追謚鑑智禪師

唐

道信蘄州人姓司馬氏為禪家四祖太宗時卒代宗追謚

大醫禪師

弘忍黃梅人為禪家五祖卒于上元二年代宗追謚大滿

禪師

南宗慧能新州人為禪家六祖卒於先天二年憲宗追謚

大鑒禪師

北宗神秀開封人姓李氏神龍中謚大通禪師

南山律師道宣乾封二年卒懿宗時謚澄照

司空山本淨絳州人姓張氏上元中謚大曉禪師

三藏菩提流志南印土國王之子讓位出家卒年一百五

十有六玄宗賜謚曰開元一切徧知三藏

京兆府興善寺胡僧不空大曆十年賜開府儀同三司司

空爵肅國公謚大辯正覺廣智三藏和同

一行張公謹孫開元中卒謚大慧禪師

三藏金剛智西域人開元中謚灌頂國師

南陽慧忠諸暨人姓冉氏大曆中謚大證禪師

杭州徑山寺僧法欽貞元九年謚大覺禪師

南岳石頭希遷高安陳氏子德宗賜謚無際大師

虢州閩鄉縣龍興寺阿足師宜貞元十二年謚大圓禪師

江西馬道一漢州人元和中謚大寂禪師

洪州百丈山懷海長樂人姓王氏元和中謚大智禪師

杭州鹽官海昌院齊安海門人姓李氏謚悟空禪師

一宿覺瑞安人契曹溪六祖道賜謚無相大師

廬山歸宗寺智巖與懷海齊安同師謚至貞禪師

幽州盤山寶積亦與懷海齊安同師謚凝寂大師

京兆府章敬寺懷暉泉州謝氏子元和中謚大覺禪師

京兆府興善寺惟寬衢州祝氏子元和中謚大徹禪師

信州戴湖大義姓徐氏元和中謚慧覺禪師

處州西堂智巖處化廖氏子憲宗謚大宣教禪師穆宗重

謚大覺禪師

汾陽無業憲穆兩朝三召不起謚大達禪師

湖州東寺如會曲江人長慶中謚傳明大師

汾州無業上洛杜氏子長慶三年謚大覺禪師

鄧州丹霞天然長慶中卒寶曆中謚智通禪師

河中南際山僧乙長慶時謚本淨大師

豐州藥山惟儼絳州韓氏子文宗時謚弘道大師

潤州岳林寺玄素文宗太和二年謚大律禪師

潭州道吾山圓智豫章海昏人姓張氏太和九年謚修一

禪師

左街僧錄內供奉三教設論引駕大德安國寺上座端甫

秦人姓趙氏文宗開成元年賜謚大達法師

潭州雲巖曇晟建昌王氏子會昌中謚無住大師

終南山圭峰宗密果州西充人姓何氏會昌中謚定慧禪

師

洪州黃蘗山希運閩人大中時謚斷際禪師

潭州瀉山靈祐長谿趙氏子大中七年謚大圓禪師

杭州徑山鑒宗湖州錢氏子咸通中謚性空大師

福州龜山正元宣州蔡氏子咸通中謚性空大師

福州龜山智具揚州人姓柳氏咸通中謚歸寂禪師

福州芙蓉山靈訓與鑒宗同法嗣謚弘照大師

德山宣鑒簡州周氏子咸通六年謚見性禪師

鎮州臨濟義玄南華縣邢氏子咸通八年謚慧照禪師

瑞州洞山良价會稽俞氏子咸通十年謚悟本禪師

福州長慶寺大安福州人姓陳氏中和時謚圓智禪師

杭州大慈山寰中蒲坂人姓盧氏僖宗時謚性空大師

吉州青原山淨居寺行思吉州劉氏子僖宗時謚弘濟禪

師

潭州石霜山慶諸新淦陳氏子僖宗時謚普惠大師

澧州夾山善會廣州廖氏子中和中謚傳明大師

邵武軍龍湖普聞僖宗太子謚員覺大師

鄂州巖頭全叡泉州何氏子光啟三年謚清嚴禪師

洪州上藍令超大順中謚元貞禪師

趙州觀音院從諗趙州郝鄉人姓郝氏乾寧中謚真際大
師

洪州雲居道膺玉田王氏子天復元年謚弘覺禪師

撫州曹山本寂莆田黃氏子天復中謚元證禪師

鄂州清平安樂縣令遵東平人天祐中謚法喜禪師

福州覆船山洪若石霜法嗣謚紹隆大師

河中府棲巖山木通院存壽石霜法嗣謚圓寂禪師

台州瑞巖師彥閩之許氏子夔禪師法嗣謚空照禪師

鄧州香巖智閑青州人為山法嗣謚襲燈禪師

瑞州九峰道虔福州人石霜法嗣謚大覺禪師

袁州仰山慧寂懷化葉氏子南岳下四世法嗣謚智通禪

師

襄州延慶山法端南岳下四世法嗣謚紹真禪師

五代

舒州投子山大同舒州劉氏子梁乾化四年謚慈濟大師

洛州韶山寰普謚無畏禪師

京師華嚴寺休靜唐莊宗時謚寶智禪師

益州北院通禪師與休靜同為青原下五世法嗣謚證貞

禪師

魏府興化存獎南岳下五世法嗣唐莊宗謚廣濟禪師

五臺山三子寺廣法大師誠惠唐明宗謚為法雨大師

河中棲巖寺弘福院僧會鑒請其師謚明宗詔謚真寂大

師失其名

京兆永安縣善靜京兆王氏子晉開運中謚靜悟禪師

袁州木平山善道謚貞寂禪師

金陵清涼縣文益餘杭李氏子周顯德五年謚大法眼禪師

師李後主再謚大智藏大法師

宋

吉州禾山無殷福州吳氏子建隆中謚法性禪師

韶州雲門山光奉院文偃嘉興張氏子乾德七年卒太宗

謚大慈雲匡真弘明禪師 匡一作康

廬山圓通寺緣德臨安黃氏子太平興國二年謚道濟禪

師

南安巖尊者自嚴姓陳氏泉州同安人淳化辛卯謚定光

圓應禪師

智圓法師錢塘徐氏子居西湖孤山乾興元年徽宗賜謚

法惠大師

隆興府黃龍寺慧南信州章氏子熙寧中謚普覺禪師

隆興府黃龍寺相心南雄鄒氏子謚寶覺禪師

隆興府堯率寺從悅贛州及熊氏子元祐六年謚真寂禪師

越州天衣寺義懷樂清陳氏子青原下十世法嗣崇寧中

謚振宗禪師

明州育王山佛智端裕吳越王裔紹興中謚大悟禪師

真州長蘆真歇清了左綿雍氏子紹興時謚悟空禪師

明州天童正覺隰州李氏子紹興時謚宏智禪師

成都路明覺寺克勤佛果彭州駱氏子紹興五年謚真覺

禪師

臨安府徑山寶印禪師喜州李氏子紹熙中謚慈辯禪師

臨安府徑山宗杲大慧宣城奚氏子隆興中謚普覺禪師

金海慧名僧也皇統五年特謚佛覺佑國大禪師

元

慶壽海雲大 印簡山西寧遠人姓宋氏憲宗時謚佛日

圓明大師

杭州中峰和尚名明本杭州人文宗時賜謚智覺禪師

道家謚

周 老子楚人姓李名耳字伯陽謚聃唐高宗乾封元年

追號太上元皇帝玄宗天寶二年加號大聖祖許慎云名耳字

聃

唐

潘師正居逍遙谷高宗幸東都召問所須對曰清泉茂松
臣所須也詔即其居作崇虛觀卒謚體玄先生

明宗儼偃師人能召鬼神有神術後為盜所刺高宗贈侍
中謚莊

王知遠系出瑯琊學道術高宗謚升真先生武后時復改
升玄

吳筠字貞節華陰人弟子謚宗玄先生

李含光好黃老道家術棄人間事崇虛脩真卒玄宗賜謚
玄靜

元 張留孫字師漢貴溪人少時入龍虎山為道士累朝
進封開府儀同三司加號輔成贊化保運玄教大宗師
至治元年卒天曆初追謚道祖神應真君

皇明

致一真人禮部尚書贈少師邵元節龍虎山上清宮道士
貴溪人嘉靖年謚文康崇靖隆慶初追奪

陶仲文湖廣黃岡人以吏員為遼海庫大使邵元節且老
薦于 世宗徒以符呪小方術 上意遂登極品膺異
典卒謚榮康惠肅

按邵元節亦以真人官宗伯洎死賜謚內閣擬二字者
二 御批俱用後仲文亦用邵例至隆慶初追奪

夷狄謚

漢南粵王胡武帝時謚文 胡子次公謚明

莎車王賢元帝時謚忠武 建功懷德王康賢之子建武

五年謚宣成

元魏道武時高車斛律部帥侯利謚忠壯

大陽蠻酋桓誕孝文時謚剛

誕玄之子也玄敗時年數歲流竄大陽蠻中及長多智

謀為群蠻所歸遂為蠻王

唐突厥頡利貞觀八年死贈歸義王謚荒

勃海國王祚榮開元七年死私謚高 祚榮子武藝謚武

武藝子欽茂謚文 欽茂少子嵩鄰謚康 欽茂孫

革輿謚成嵩嵩鄰子元瑜謚定 元瑜弟言藝謚僖

言藝弟明忠謚簡 明忠從父仁秀謚宣

南詔酋龍偽謚景莊皇帝 龍子法偽謚聖明文武皇帝

鄭買嗣唐鄭回之後昭宗光化五年滅蒙氏自立建國號

曰大長和偽謚德桓皇帝 買嗣 旻偽謚肅文皇帝

思平武威郡人初鄭氏奪於楊氏已楊氏又奪於段氏
號曰太理偽謚太祖皇帝 思平子思英偽謚文

皇帝 思英叔思良偽謚應道皇帝 思良子

素英偽謚明皇帝 素英弟素廉偽謚敬明皇帝 素

隆後避位為僧偽謚秉義皇帝 素貞偽謚聖德皇帝

思廉偽謚世宗皇帝

段氏之裔段正淳立十三年避位為僧偽謚中宗皇帝

正淳子正嚴立四十年避位為僧偽謚憲宗皇帝 正

嚴子正興避位為僧偽謚景宗皇帝 正興子智興偽

謚宣宗皇帝 智興子智運偽謚享天皇帝 智連弟

智祥偽謚神宗皇帝 智祥子祥興偽謚孝義皇帝

初素貞傳素興國人廢興而立思廉思廉死復為楊義

貞所篡段氏中絕有臣高智昇遣子昇泰滅義貞而立

段壽輝壽輝後避位為僧國人乃奉昇泰為主改國號

大中尋欲續段氏後故正淳得立段氏再興傳至七世

祥興始亡於元

元金紫光祿大夫儀同三司安南國王陳益稷至順元年

謚忠懿

皇明

蘇祿國東王巴都葛叭答刺永樂年謚恭定

朝鮮國王李芳遠永樂年謚恭定 權署國事李暉永樂

年謚恭靖 國王李旦永樂年謚康獻 國王李珣景

泰年謚恭順 國王李祐景泰年謚莊憲 世子李暉

成化中封為本國王謚懷簡 國王李瑑成化年謚惠

莊 國王李暉成化年謚襄悼 國王李娒弘治年謚

康靖 國王李澤嘉靖年謚恭僖 國王李皓嘉靖年

謚崇靖 國王李暉隆慶年謚恭憲

按國初高麗王王顥謚恭愍事在李旦之前

淳泥國王麻邪惹加那乃永樂年謚恭順

日本國王源道義永樂年謚恭獻

古麻剌朗國王幹刺義亦敦永樂中謚康靖

哇來頓本古麻剌國王永樂年謚康靖

續文獻通考卷之一百五十二終

經文廣通

三十一

